

玉海

五十六之八

藝文

漢書門		二九八〇	號
九	六	九	函
八	架	三	冊
冊		函	架

二九八〇	號
九	函
六	架
八	冊

內閣文庫	
番號	漢 2980
冊數	58 (23)
函號	366 15

廿三



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak





山海卷第五十六

淺草文庫

浚儀王應麟伯厚甫

藝文

圖

黃帝綠圖

明堂圖

風后圖

見後

賈誼新書脩政語上黃帝職道義經天地紀人倫序
萬物然後濟東海入江內取綠圖西濟積石涉流沙
登於崑崙 河圖挺佐輔黃帝齊七日至翠嬀之川
魚泝流而至汎白圖蘭葉朱文以授帝與天老迎之
帝舒視之名曰錄圖

中候曰河龍圖出洛龜書
感赤文像字以授黃帝

淮

嘉靖庚戌年刊

山海卷五十六

一

南子至德之世洛出丹書河出綠圖 書正義緯候

之書乃稱有黃龍元龜白魚赤雀負圖銜書以授聖人正

典無其事漢自哀平之間緯候始起假託鬼神妄稱

祥瑞 選注世本曰史皇作圖宋忠曰史皇黃帝臣

圖謂畫物象 尚書璇璣鈴孔子曰五帝出受錄圖

伊尹九主圖

史記伊尹從湯言素王及九主之事注劉向別錄九

主者有法君專君授君勞君等君寄君破君固君三

歲社君凡九品圖畫其形索隱曰九主者三皇五帝

及禹 家語孔子觀於明堂觀四墉有堯舜桀紂之

象各有善惡之狀興廢之誠

周丹圖

禮秋官司約小約劑書於丹圖注丹圖未聞或有雕

器簠簋之屬有圖象者與春秋傳著於丹書今俗語

有鐵券丹書豈此舊典之遺言

周明堂周公圖

家語觀周第十一孔子觀乎明堂觀四門墉有周公

相成王抱之負斧扆南面以朝諸侯之圖孔子曰此

周之所以盛也 有周盛時褒賞功德或歲在盟府

或紀于太常或銘於昆吾之鼎獨周公有大勲勞於

嘉靖丙辰年 監生吳一治刊

天下廼繪象于明堂之墉期億萬年無忘師保之德使覩之者肅然動心願竭忠盡瘁追配前人褒崇勸獎之道於是為至

齊管子幼官圖

管子經言幼官篇第八注幼始也陳從始輔官齊政之法幼官圖第九有五方本圖有五方副圖西南中北東注云此立時之政管氏別五其圖謂之方圖而土位居中

漢三禮圖 唐三禮圖 周明堂宗廟圖

後魏禮志阮謀禮圖并載秦漢已來輿服阮氏圖桑

亦飾以雲母禮志注阮氏圖桑

隋志三禮圖九卷鄭元及後漢侍中阮謀等撰周室

王城明堂宗廟圖一卷祁謚撰梁又有冠服圖王宗

圖月令圖各一卷周官禮圖十四卷唐志夏侯伏

明三禮圖十二卷錄著張鎰三禮圖九卷錄著藝術有

禮圖等雜畫五十六卷崇文目三禮圖九卷梁正撰

續漢志術氏冠官有其圖注光武紀初起明堂

禮圖曰明堂上圓下方隋書作明堂禮圖有三

行長統傳發清商之妙曲注三禮圖曰琴本五弦曰

宮商角祉羽文王增二曰少宮少商絃最清也明

堂位疏引阮謚禮圖云犧尊畫以牛形 春秋疏引
 阮謚三禮圖冕制 隋禮儀志引禮圖曰瑞經於革
 帶阮謚以為有章印則佩之又大裘而冕案三禮之
 服圖高山冠武弁亦引禮圖 北史劉芳傳諸家禮
 圖社稷皆畫為木惟誠社誠稷無木 吳薛綜定五
 宗圖 楊傑補正三禮圖次蕭序曰禮圖之次一曰
 地制八卷二曰丘壇三卷三曰宗廟二卷四曰宮室
 五曰庠序共一卷六曰衣冠三卷七曰車旗三卷八曰
 寶貨貝二卷九曰物用三卷十曰樂制二卷十一曰武
 制二卷十二曰曆象三卷十三曰失令災應共二卷

禮圖議三卷叙目三卷為三十八卷

漢周公負成王圖

霍光傳上察群臣唯光可屬社稷廼使黃門畫者畫
 周公負成王朝諸侯以賜光後元二年春光問誰當
 嗣者上曰君未諭前畫意邪立少子君行周公之事
 周章傳論身非負圖之託注武帝欲立昭帝為太
 子乃畫周公負成王圖賜霍光

漢禹貢圖

景傳見地理漢汴渠

平當以經明禹貢使行河

國史志孟先禹貢治水圖一卷

漢兵家圖 兵形執圖 陣圖見後

藝文志兵權謀兵孫子兵法圖九卷齊孫子圖四卷
兵形執圖十一家圖十八卷楚兵法圖四卷孫軫圖二
卷王孫圖五卷魏公子圖十卷兵陰陽圖十卷黃帝
圖三卷風后圖二卷鳩冶子圖一卷鬼容區圖一卷
別成子望軍氣圖三卷兵技巧鮑子兵法圖一卷五
子胥圖一卷苗子圖一卷凡兵書五十三家圖四十
三卷任宏校兵書分四種
書何入咸陽先取秦圖書 王儉七志一志守牧圖
譜讀之圖譜志 阮孝緒七錄內篇有圖七百七十

卷外篇有圖百卷

漢宮室制度圖

見宮類

漢宮鹵簿圖

見鹵簿

漢外屬圖

賈融傳上書請師期以伐隗囂帝賜融以外屬圖及

太史公五宗景帝子三人而母五人同者為一宗史記魏其侯列

傳詔報曰每追念外屬孝景皇帝出自竇氏定王景

帝之子朕之所祖昔魏其一言繼統以正長君尊奉

師傳脩成淑德施及子孫此皇太后神靈上天所以佑漢也

漢御座新屏列女圖

宋弘傳建武中御座新屏風圖畫列女帝數觀視之弘曰未見好德如好色帝即為撤之

列女圖畫置左右以自監戒注劉向撰列女傳八篇

圖畫其象文見屏風班婕妤賦陳女圖以鏡監兮願

女史而問詩

漢秘書列仙圖 列仙傳

東平王蒼傳帝建初六年冬上疏求朝明年正月帝

許之遣謁者賜貂裘三月鴻臚奏遣諸王歸國帝

留蒼賜以秘書列仙圖道術秘方隋經籍志漢時

阮蒼作列仙圖劉向校理經籍始作列士列仙列女

傳列仙傳讚三卷劉向撰醜續孫綽讚又二卷晉郭

元祖贊集賢注記云阮蒼仙圖一卷集賢無本

漢神輪圖

藝文志易類神輪五篇圖一劉向云王道得則四海

輪之祥瑞也

晉爾雅圖

見上

梁職貢圖

見朝貢

藝文類聚梁元帝職貢圖

名畫記元帝畫職貢圖

并序外國貢事

唐地理志

梁元帝一卷

崇文目同

書目云其自序云乃纂百國一卷今存二十有七

李公麟有帖云梁元帝鎮荊州作職貢圖首虜而終
疆凡三十餘國今纔二十有二其一曰魯國南史及
通典太平御覽皆無魯國與丙丙國其下二十國則
有之河南中天竺師子北天竺渴盤陀武興蕃滑波
斯百濟龜茲倭因古柯呵跋檀胡密丹白題末林邑
婆利宕昌狼牙脩皆朝貢於梁者武帝紀中又有扶

南鄧至于闐蠕蠕高麗于阇利新羅盤盤丹丹九國
豈圖之所遺邪亦不見所謂蠶者疑丙丙與芮芮相
類即蠕蠕也通志云二十八國 崇文目又有職貢
圖三卷 名賢畫錄閣立德職貢圖

唐正會圖

王會圖

朝貢圖

東謝蠻傳正觀三年其酋元深入朝冠烏熊皮若注
旄以金銀絡額被毛幘韋行滕著履中書侍郎顏師
古因是上言昔周武王時遠國入朝太史次為王會
篇今蠻夷入朝如元深冠服不同可寫為正會圖詔
可帝以其地為應州即拜元深刺史 藝文志顏師

古正會圖卷七 通鑑正觀三年閏十二月丁未東

謝酋長謝元深南謝酋長謝強來朝顏師古請圖寫

以示後作王會圖從之 通鑑考異云實錄新舊傳皆

云王會圖按周書有王會篇柳宗元鏡歌呂述黠戛

斯朝貢圖皆作王會今從之 黠戛斯傳阿熱破回鶻

得太和公主遣使衛送還朝復遣注吾令素上書三

歲會昌中至京師武宗大悅班渤海使者上以其處窮

遠能脩貢命大僕卿趙蕃持節慰其國詔宰相即鴻

臚寺見使者使譯官考山川國風宰相德裕上言正

觀特遠國皆來中書侍郎顏師古請如周史集四夷

朝事為王會篇今黠戛斯大通中國宜為王會圖以

示後世有詔以鴻臚所得績著之詔阿熱著宗正屬

籍黠戛斯古堅昆國也止觀二十二年遣使獻方物

其酋長侯利發入朝高宗世再來朝景龍中獻方物

回紇所破自是不通中國 志地理 呂述黠戛斯

朝貢圖傳一卷 會昌秘 柳宗元鏡歌既克東蠻群

臣請圖王會百辟拜稽首咸願圖形容如周王會書

求永傳無窮睚眦萬狀乖呶盟九譯重 詳見朝貢

類 唐太宗寫真圖

舊紀開元十八年奚契丹犯塞六月丙子以肅宗為

河北道元帥命百察於光順門相見張說謂學士孫
逖韋述曰嘗見太宗寫真圖忠王雅類聖祖此社稷
之福 乾元元年四月丁未內出皇帝寫真圖自光
順門送太清宮 志有韋無忝盡皇朝九聖圖

唐忠孝圖 君臣圖

會要正觀十三年十一月三日揚州長史李襲譽撰

忠孝圖二十卷上之太宗覽而稱善 陸質著君臣

圖翼三十五卷舊史二十五卷 志李襲

譽忠孝圖傳讚二十卷傳記類

唐本草圖

志醫術類本草二十卷藥圖二十卷圖經七卷顯慶
四年李勣等撰蘇敬新脩本草二十一卷又新脩本
草圖二十六卷圖經七卷 雜藝術類王定畫本草
訓誡圖止觀尚方 于志寧傳與李勣修定本草
并圖五十四篇太宗稱善 會要顯慶二年右監門
長史蘇敬上言請加刪補令勣監定并圖五十卷至
四年正月十七日上之

唐秘閣梁南郊圖

車服志睿宗時皇太子將釋奠有司草儀注從臣乘
馬着衣冠左庶子劉子元議曰議者以秘閣梁南

郊圖有衣冠乘馬者此圖後人所為也古今圖書多矣如畫群公祖二踈而有曳芒屨者張僧畫昭君入匈奴而有施帷冒者欄立豈可因二畫以為故實乎謂衣冠乘馬且省太子從之編于令通典却非冠梁北郊圖執事者縮纓綉隋志禮類梁有郊祀圖二卷六

唐內殿無逸圖

崔植傳長慶初穆宗問正觀開元治道植曰元宗即位得姚宋納君於道璟嘗手寫無逸為圖以獻勸帝出入觀省以自戒其後開元玩朽暗乃易以山水圖稍息

于勳今願陛下以無逸為元龜李珣傳武宗新聽政珏數稱道無逸篇以勸會要長慶元年八月崔植對云開元初宋璟為相手寫無逸一篇為圖以獻元宗置之內殿出入觀省唐國史紫宸殿設無逸圖

唐明堂圖

權德輿傳元和六年三月對曰太宗見明堂圖益會要正觀四年十鞭背之制志云覽明堂針灸圖月十七日制決罪人無得鞭背隋志醫方梁有神農明堂圖一卷甄權傳撰脉經針方明堂等圖傳

于時

唐五位圖

王起傳起字舉之文宗好古學是時鄭覃以經術仕
 王起以淳朴顯起加皇太子侍讀開成太常卿上使廣
 五位圖俾太子知古今治亂帝常以疑事令使者口
 質起具榜子附使者上凡成十篇號曰寫宣志編
 年類五位圖十卷廣五運圖卷亡曹圭五運錄十二
 卷崇文總目王氏五位圖三卷譜目自開闢至唐
 以五運為序宋朝至道二年四月甲申屯田郎呂
 奉天言司馬遷史記王起五位圖歲次朔閏皆與

得不合

唐太液亭君臣事迹圖 尚書圖

文宗太和二年自撰集尚書中君臣事迹命書工
 太液亭朝夕觀覽 明皇內殿無逸是張文宗太液
 尚書是錄

唐孝友傳圖 唐朝綱領圖 聖運圖

李栢筠為常州刺史大起學校堂上圖孝友傳示諸
 生為鄉飲禮人人知勸為刻石頌德進銀青封贊皇
 子志雜史南卓唐朝綱領圖一卷高祖高祖

廢置 薛瑞唐聖運圖二卷崇文目同

唐毛詩草木蟲魚圖

見詩類

二十卷開成中揚嗣復等上

云毛詩

物象圖

唐占額供軍圖

詳見會計類

均田圖

王彥威傳開成初召為戶部判度支奏曰臣按見財
量入為出隨色占費終歲用之無毫釐差因上占額
圖又言至德訖元和大都通邑皆有兵最凡八十餘
萬長慶籍戶三百五十萬而兵乃九十九萬率三六
資一兵今舉天下之入歲三千五百萬上世者三之
一又三之二則衣食仰給焉自留州送使外餘四十

萬眾皆仰度支又為供軍圖上之

志職官類占額

圖一卷

均田圖

元植

唐帝王曆數圖

書目十卷唐路惟衡撰起自周秦至于隋氏曾子士
以惟衡所撰自周已後其開闢以來並不載故依五
運圖錄之以備一家之文大唐聖運圖略三卷薛璿
撰起高祖訖武宗帝王曆數歌一卷大和元年劉軻
以帝王年號世數次而為歌 晁氏志帝王鏡略馮
鑑續至唐末

唐奏樂圖

嘉靖庚戌年

二卷

三

王維傳人有得奏樂圖者不知其名維視之曰霓裳
第三疊第一拍也好事者集樂工按之一無差誤咸
服其精思 新史云按樂圖

唐宰相圖

崇文目職官類二卷起高祖訖昭宗宰相名氏拜免
年月 中興書目云唐宰相歷任訖

唐衣冠盛事圖

五卷竇氏撰 皇朝衣冠盛事一卷錢明逸撰

唐三宮圖

通志唐太極大明興慶三宮圖一卷 晁氏志服飾

圖三卷唐李德裕編共五十五事

唐國要圖

志職官類大唐國要圖五卷左僕射賈耽纂監察御
史褚璆重脩 崇文目地理類 孫結大唐國照圖一卷 文宗時人

唐制舉科目圖

一卷不題撰人凡七十六科仕至宰相者七十二人
詳見科舉

建隆洛陽宮殿圖

見後 建隆三年五月詔廣皇城命有司畫洛陽宮
殿按圖而修之

建隆重集三禮圖 至道國子監三禮圖

禮象

建隆二年五月丙寅國子司業兼太常博士聶崇義表上重集三禮圖二十卷冕服第一至賜三品服仍

命詹事尹拙集儒學之士重加參議周世宗詔崇

義參定郊廟器玉顯德四年二月庚午詔有司更造祭器祭王命國子博士崇義為之

又詔學士竇儼統領之崇義因取三禮圖再加考

正三禮舊圖是隋開皇中物官脩撰建隆二年表上儼為序曰聶崇

義博采三禮舊圖凡得六本凡舊圖之是者則率由

舊章否者當理彈射其新圖凡二十卷附於古今通

禮之文是書纂述之初詔儼總其事故作序焉太祖

覽而嘉之詔所進圖令尹拙駁正崇義復引經釋之

乃以儼裁定以尹拙駁議及崇義答議各四卷再加

詳閱隨而增損列於注釋共分十五卷詔頒行之拙

崇義復上祭玉鼎釜異同之說詔下尚書省集議張

昭等議曰四部書目有三禮圖十三卷是隋開皇中

敕禮官脩撰其圖第一第二題梁氏第十後題鄭氏

今書府有三禮圖亦題梁鄭後有梁氏者集前代圖

記更加評議題曰陳留阮士信受禮學於潁川綦毋

君取其說為圖三卷多不按禮文而引漢事其阮士

信

信即謀也云云請圖金鑊于鼎下從之尹拙又言衮冕而下君臣合畫乞耳竇儀議從之目錄序云舊

圖十卷形制缺漏文字省略名數法式上下差違前

六本大同小異唐張鑑洎諸家所撰蓋又傳不知所自崇義於顯德三年冬十月定郊廟器玉因遂刪改其名數雖殊制度

不別則存其名略其制瑚簋車輅之類是也名義多

而舊圖略者就而增之射侯喪服之類是也有名無

制者略而不圖仍別叙目錄共為二十卷冕服第一至喪器第一

十九終一卷凡所集注皆周公正經仲尼所定康成所

注傍引疏義事有未達則沉以漢法圖有未周則詳

於目錄建隆二年四月辛丑第叙訖冠冕衣服則

凶之象宮室車旗見古今之制引矢射侯見尊卑之

別鐘鼓管磬見法度之均祭器祭玉見大小之數圭

璧纁藉見君臣之序喪葬飾具見上下之紀實錄

序又曰國朝創制彝器車服博采三禮舊圖凡得六

本大同小異遂鑽研尋繹躬命績素不差毫釐率其

而行恐迷其形範以圖為正則應善宮商至道二

年丙申八月丙辰叶八詔翰林畫工二人圖三禮器

物制度於國學講論堂之壁以舊壁頽落以板代之

三年秋七月癸酉始畢李至撰記曰崇義書成天子

詔國學圖于宣聖殿後北軒之壁歲久闕落聖上命
 改作於論堂之上以版代壁丹青爛然安上治民多
 風易俗禮樂之本也玉帛鍾鼓禮樂之末也聖人務
 本以求理存末以致用新圖既成與夫畫洛神之賦
 尚列女之屏豈同年而語哉 咸平二年七月甲辰
 幸國子監詔講書因閱三禮圖天聖二年八月己卯
 幸監講論語覽七十二子贊觀東序圖繪禮器龍圖
 直學士馮元援三代制度以對一云綱政和五年六
 月丁巳叶九校書郎曹安宅言崇義圖義皆諸儒臆
 說三普講崇義出於於經無據國子監三禮堂實

一百五十卷。田文圖十軸以示宰相近臣。國史志
有太宗基圖一卷。

雍熙運曆圖

書目三卷。雍熙四年龔穎撰。三代末紀甲子以秦昭襄王五十一年乙巳滅周爲曆運之始。至雍熙四年丁亥計一千二百四十四年。紹運圖一卷。元祐諸葛深撰。自三皇至宋。北史後魏張彛上歷帝圖五卷。起元庖犧終於晉末。凡十六代一百二十八帝。歷三千二百七十年。雜事五百八十九。宣武善之。

端拱歷代年紀圖

端拱元年正月壬午殿中侍御史龔穎編歷代年紀為二圖來上優詔褒之歐陽脩稱其精博晁氏志龔

穎運歷圖六卷起秦昭王乙巳止雍熙丁亥

淳化大射圖

見後

淳化入閣圖 祥符入閣圖

淳化二年上以入閣舊圖承五代草創禮容不備於是命史館脩撰楊徽之等討論故事別為新圖十二月丙寅朔遂行其禮於文德殿 景祐元年李淑上時政十議議入閣曰唐寶曆後常以月朔御紫宸殿

行入閣之禮太祖五行其禮多御崇元殿今天安殿備殿

中金吾諸仗設待制候對官乾德之後改御大明殿

即今集英太宗三行其禮別定新儀就文德殿廷增設黃

麾仗真宗亦三行之繪圖講習藏之禁閣茲禮之廢

向踰二紀 初景德四年十二月詔朝會並依入閣

圖儀制排定祥符七年四月丁巳二日實錄東上閣

門使魏昭亮言入閣圖殿上侍立臣僚皆唐時職官

與今名品異請依新定儀制重畫從之天禧二年十

二月壬寅禮儀院言儀制圖內言閣門通事舍人請

去閣門字從之熙寧四年正月韓維以入閣舊圖增

損裁定為文德殿視朝儀甲寅上之。李宗諤曰朝會圖門下省典儀設版位御史中丞班在丹墀上兩省官後立。

至道南郊圖

見郊祀

咸平國田圖

見觀書

占額圖

三年十一月壬午監鐵使陳恕上占額圖。

咸平龍圖閣五經圖

見觀書

景德崇和殿尚書禮記圖

中庸圖

祥

符尚書圖

景德四年九月庚午宴近臣于龍圖閣之崇和殿翰林學士邢昺赴曹州刑書温仲舒宋白吏侍郭贄預焉昺視壁掛尚書禮記圖指中庸九經事講述其大義序脩身尊賢皆有倫理在位聳聽上嘉納之賜詩二首寵其行命群臣咸賦。祥符二年九月丁丑仁宗召宗室觀書龍圖閣因覽尚書圖。皇祐之無逸圖治平之洪範屏。

景德歷代君臣圖

三年九月庚申草澤許可獻治平書歷代君臣圖。

嘉靖丙辰年

益生堂

景德禮記圖

見禮類 陳祥道禮圖亦見禮類

景德合班圖

見禮制

祥符宗室班圖

見宗戚

祥符釋奠祭器圖

二年正月甲子詔禮院定州縣釋奠禮器數圖其制放之見社稷二十九日禮院言先聖先師每坐酒樽二籩八豆八簋二簋二俎三壘一洗一篚一巾一

一爵一盃四站二從祀各籩二豆二簋一簠一俎一燭
制度繪圖一卷并寫開寶禮外州釋奠儀以獻請付
禮院參詳三年六月丙辰詔曰嚴師重道勸學之
令猷釋奠陳牲薦誠之彝典儒臣上言慮郡國未詳
俎豆之事乃命龍圖待制戚綸與太常禮院討論酌
簡冊之文著庠序之式圖繪頒行其釋奠元聖文宣
王廟儀注及祭器圖令崇文院摹印下禮院領諸路
書目有崇寧頒行一卷 淳熙七年二月領尊爵

前度見釋奠類

歐陽公曰釋奠釋菜祭之略者也古者士之見師以
菜為塾故始入學者必釋菜以禮先師學官四時之
祭乃皆釋奠釋奠有樂無尸而釋菜無樂則其又略
也今釋奠幸存然亦無樂又不徧舉於四時獨春秋
行事而已

祥符四圖

五年十二月丁亥召宗室近臣觀祀汾陰后土壇朝
親奠西嶽廟及祥瑞四圖於龍圖閣六年二月
丙寅召詣滋福殿觀聖祖臨降及衆真列侍圖

祥符四庫述略

政和六年二月二十八日翁彥約言國
家覆萬國化行方外梯航輻湊史不絕書其贄幣
服飾之瓌奇名稱狀貌之詭異多所未載今圖書表
畫歲在禮部宜命有司編集成書如周家王會之篇
詔禮部編集

天禧大禮稱慶合班圖 景祐立班圖

天禧三年十一月九日辛酉閣門禮院上大禮稱慶
合班圖皇太子位在宰相上太子懇避寇準面陳
儀制之重不可謙抑望遵儀制允再讀乃許卒未升
壇祀天地禮畢御皇禧殿皇太子賀于殿上宰相率

百官賀于廷中。景祐四年九月十一日庚戌詳定
殿門儀制所言紫宸垂拱殿起居臣僚左右位上欲
諸字記之并立班圖用絹別寫四本二進內二付閣
門從之。又見景德閣門儀制

景祐百官圖

天聖元年王鈞著謂平時百官叙進有常法為叙遷圖
以獻真便省覽景祐三年天章待制范仲淹言治亂
係用人得失此宰相之職因為百官圖以獻指遷進
次序遲遠曰如此而為公為私不可不察五月丙戌
以守饒州 紹興初命宋棐編修差除格目

景祐雜坐圖

四年三月二十三日集賢校理趙良規言按天聖編
敕學士知制誥待制三司副使正官未至五品並同
五品官例又按雜坐圖學士在兩省侍郎之下尚書
丞郎之上中書舍人知制誥待制在留後之下秘書
監之上三司副使在少卿監之上又按閣門儀制大
宴學士坐殿上與僕射同行知制誥亦坐殿上與尚
書丞郎同行若曲宴則三司副使預坐即在知制誥
之後重行異位

慶曆觀文監古圖

慶曆元年神宗二年七月戊申朔出御製觀文
 監古圖記以示輔臣合列恒嘉初康定二年七月己
 未命圖畫前代帝王美惡之迹可為規戒者號曰觀
 文監古圖上自為記凡十二卷漢文誌百二十事每
 事帝自為一篇始黃帝禹湯后力裝終長孫皇后賞
 魏元成諫慶曆四年二月丙辰御迎陽門召輔臣觀
 之書目觀文監古圖卷康定二年仁宗親述并
 為之序先是學士蘇軾言石憲宗令近臣具前代得
 之迹繪圖以觀皇朝通志卷一百一十六

御崇政殿西閣圖張畫圖前代帝王美惡

可為規戒者命兩府觀之元祐五年五月范祖禹
 請哲宗覽此二圖可以見美惡之迹知創業之難紹
 興五年三月十九日毛剛中上鑒古圖記十卷

慶曆三朝訓鑒圖

慶曆八年八月庚辰知制誥楊億被旨檢討三朝事
 迹乞與內翰李淑同編纂凡得祖宗故實事大體重
 者百餘篇十通命待制高克明等設色其上十月庚
 辰御製序賜名其序畧曰太祖以神武肇基太宗以
 英文紹復思皇真考對越靈爽莫不兢業以臨朝機
 憂勤而靖三略總御臣之威柄謹制世之今謨朕明

發登真少煬嚴祇申詔信史論次舊聞得祖宗之故
實事大體重者百條繪采綴語釐為十通設色在上
各載綱源執簡嗣書兼實義解凡杖勒銘圖取正
酌古垂範保邦守成然而稽之先民孰若稽之往訓
皇祐元年二月纂成進呈十一月庚寅朔御崇政殿
召近臣及臺諫館閣宗室觀之當以宗廟林為題
又鑲板印染賜大臣宗室其圖始於親征下澤潞平
惟揚終於真宗禁中觀稼飛山觀礮凡百條書曰
皇祖有訓鑒于先王成憲命名之義允協于此舊目
錄其圖又誤以仁宗御製後序冠于卷首續書曰平

繪俱全 書目三朝訓鑒圖十卷李淑撰仁宗御製
厚今繪采皆闕 光掩鑒古碑映無逸

慶曆百官圖

書曰文武百官圖二卷慶曆中太常博士萬當世撰
採本朝合班儀新令文具以事等分門引類載陪
敷爵邑品秩俸祿之要為上卷以天聖中左僕射平
章事王欽若所撰遷叙圖及合班儀封爵俸祿例為
下卷

慶曆景德德宗寇圖

慶曆五年九月癸巳詔近臣考先朝正史實錄為景

德德定圖錄臣訓云中丞王拱辰言乞詔近臣詳定景德御定圖上命吳闓先初史錄而考詳之

皇祐邇英閣無逸圖 孝經圖序

皇祐四年十二月甲午知制誥王洙蔡襄上所書無逸差經圖初十一月甲辰侍讀楊安國請尚書無逸上曰朕深知享國之君戒逸豫因請書無逸篇於邇英閣之後屏上曰朕不欲背聖人之言當書置之坐左又命侍讀丁度取孝經天子孝治聖治廣要道四章對爲右圖因令襄書無逸洙書孝經又命承旨王拱辰爲二圖序而襄書之仁宗初建邇英

閣書無逸於屏間歲久而弊以白居易賦代之侍講楊安國請復書無逸上欣然命王洙書之置之左方又命丁度取孝經之天子聖治孝治廣要道四章本無聖治有至德對爲右圖命蔡襄書之按邇英延義二閣

建於景祐二年正月癸丑孫奭爲侍講學士嘗畫無逸圖上之請施便坐帝施於講讀閣今日歲久而弊者當是奭所上之圖元祐二年十月丁未范祖禹乞於邇英閣復張掛王洙蔡襄所書無逸孝經圖從之周公無逸以勤爲先孝經四章以孝爲本天聖說無逸慶曆講孝經中負黼宸左顧右眄

至和周禮器圖 嘉祐周禮樂圖

至和元年九月丙寅實錄會要同或翰學王洙上周

禮器圖先是洙講周禮上因命畫車服冠冕籩豆簠

簋之制及圖成而上之皇祐五年九月十九日上

觀新樂及晉鼓三牲鼎鸞刀于崇政殿嘉祐三年

閏十二月十九日皇姪克頤上周禮樂圖書目有

龔原周禮圖七卷孫奭撰樂記圖

仁宗御製洛書五事圖

仁宗御集有洛書五事圖一卷范祖禹云仁宗最

深洪範之學每有變異恐懼脩省必求其端

治平曆年圖

治平元年一云三月十四日司馬光自周威烈王二十三年

盡周顯德六年為歷年圖五卷凡一千三百六十二

年略舉每行大事編次為圖上之以便觀覽每年一

行六十行為一重六重為一卷言人君之德三仁

明武人君之才五創業今本六卷一云七卷起共和

守成凌夷中興亂亡與申元頭德已未

上下九千自威烈二十二年上距共和元年增多四

百三十有八年蓋晚年所修餘見後稽古錄劉攽

易其名曰帝統編年紀事珠璣第為十卷以著論為

一卷總十一卷首卷序三皇迄皇朝世次大略歷年

圖所無

治平八廟圖

一卷

元祐無逸圖

二年平章軍國重事文彥博上奏曰邇英北壁有仁祖朝講官王洙所寫無逸圖臣慮禁中或未有此圖敢寫錄四軸并一卷上進望於殿內張掛及置於几按以便聖覽

元祐二年十月侍講范祖禹言今邇英閣尚書圖序于屏間而無逸孝經二圖不復張列蔡襄所書圖序置在御座之後因脩展邇英閣方徹去却書于屏間

乞依舊張掛三圖並列如仁宗朝故事

元祐仁宗御書三十六事圖

元祐六年三月庚申朔御邇英閣宰相呂大防言仁宗所書三十六事一本云三十五事請圖寫坐隅以備親覽從之詳見御書上曰宮中有此本蓋向時寶訓所進也

宣和博古圖 又見錄類

劉敞得先秦古器十有一模其文圖其象為先秦古器圖一卷又為贊元祐中呂大臨以所閱三代尊彝鼎之器傳摹面寫論次為考古圖十卷李公麟為古器圖一卷又為序贊徽宗道兼三皇萬古之器

並出會于天府。品之多五十有九。數之多五百三十。有七。舟車所貢又百倍此。清燕之間第其時物。繪其形制。識其名款。各有次第。凡禮之器。鼎為先。簠簋次之。樂之器。律為先。鐘磬次之。有典制之器。有征伐之器。有常用之器。有燕閒之器。既成。召輔臣親王御崇政殿觀之。政和二年七月己亥。置禮制局。三年六月庚申。因中丞王甫乞。頒宣和殿博古圖。命儒臣考古制度。遂詔討論三代古器及壇壝之制。改作俎豆籩筐之屬。十月十四日。手詔云。哀集三代盤匱罍鼎。稽考取法。以作郊廟禋祀之器。煥然大備。

中興書目

博古圖三十卷。宣和殿所藏彝鼎古器圖。其形辨其款識。推原制器之意而訂正同異。紹興十三年二月二十七日。臣僚請敘宣和博古圖於太常。俾禮官討論釐正。改造祭器從之。晁氏志博古圖二十卷。王楚集三代素。漢彝器。繪其形範。辨其款識。增多呂氏考古十倍。書叙一薛尚功編考古博古之類。為鐘鼎款識二十卷。

紹興講殿御書無逸圖

五年四月庚戌。上諭輔臣曰。昨日配范冲論仁宗

建通英閣。轉對言。命蔡襄等書無逸。考經圖列於

三十五

三十五

左右元祐初冲父祖禹為侍講乞檢尋二圖如仁宗
故事括宗從之冲勸朕手寫無逸為二圖設於講殿
之辨今已寫就趙鼎曰冲以世官侍經筵乞備祖宗
故事宜也陛下親御翰墨不崇朝而圖成仰見從善
汲汲之意沈與求曰願以是圖為元龜夙夜自儆
七年九月一日內出無逸篇四軸付講筵所遇講曰
安掛

紹興資善堂孝經圖

五年六月己酉建國公考宗五月初出資善堂上命見
善范冲贊讀宋震皆設拜冲等每因盛奏導國公

以仁義之言輒標軸藏之時一從玩國公嘗得李公
麟所畫孝經圖冲書其後略曰孝者自然之理天地
之所以大萬物之所以生人之所以靈網常之所以
立學然後知之習與性成是謂純孝豈不見夫諸侯
車服之美儀物之盛尊榮如此國公以幼學之年享
寵祿之厚蓋思所以保富貴之道乎故冲以諸侯之
事為獻曰戰戰兢兢如臨深淵如履薄冰周之諸侯
其入而居於王所皆謂之卿士故冲又以卿大夫之
事為獻曰夙夜匪懈以事一人國公其勉之其勉之

作孝經圖繪王
者朝事母后

乾道御製敬天圖

七年正月己亥出敬天圖以示輔臣上曰無逸一篇
享國久長皆本於寅畏朕近口取尚書所載敬天事
編為兩圖朝夕觀覽以自儆省名之曰敬天圖虞允
文奏古人作無逸圖猶誇大其事陛下盡圖書中敬
天事又遠過之惟聖人盡躬行之實敬畏不已必有
明效六月乙卯上曰敬天事已纂成圖置之坐右朝
夕自省一日引卿等便殿觀之又曰人主儻不畏天
尚何所畏允文奏願頒此圖刻之琬琰上曰作數語
繪圖付出嘉熙三年亦製是辭 淳熙四年五月己酉宗正少

卿程叔達進對言玉音許宣示敬天圖願得稽首

觀上願左右取圖至命叔達起觀上亦誦讀每至前
代王者或不能敬畏脩省則曰此圖美惡並著亦欲
以之儆戒至無逸篇則曰無逸言人君享國久長由
嚴恭寅畏所致尤當以為法

孝宗一議蠲放之令而日有戴氣一萌祈禱之念而
雨已霽霽誠心所形其吝如響

嘉熙敬天圖

御製敬天圖序曰朕觀書契以來人極茂廷聖賢大
訓布在方策其言治國平天下之道無出於六經而

求之六經之要一日不可違者其惟天道乎大槩易
 明其理書正其事詩通其情周典備其禮春秋志其
 變記禮則雜紀焉者也人主知天之當敬視六經格
 言如金科玉條罔敢踰越則逸德鮮矣仰惟祖宗不
 靈承帝事撫有方夏列聖垂謨無一息不以敬天為
 心國史登載難以殫舉然未有不本於六經之旨朕
 以寡昧寅奉燕詒懼弗克欽若眷命萬幾之曠稽式
 古典爰以己意取其關於天道之大而有以啓寅畏
 之衷者每經表而出之裒列成編且之曰敬天圖庶
 幾朝夕觀覽對越鑒臨以自警省云爾

御製天人

相宸燕間左顧右盼凜然肅然如在瓊術

帝王經世圖譜

石仲友帝王經世圖譜凡天文地志禮樂刑政陰陽
 度數兵農工霸皆本之經典兼采傳注類聚群分旁
 通午貫使事時相參形聲相配或推消長之象或列
 休咎之證而於郊廟學校畿疆井野尤致詳焉各為
 總說附其後始終條理如指諸掌門人金式繕寫積
 百二十二篇又猶子燁校讎釐為十卷以類相從周
 必六題辭云六經旨趣百世軌範皆聚于此

宋朝宰輔圖

蔡初學皇朝空輔拜罷圖一卷建隆元年至紹熙五
年宰執拜罷月日為圖年經而官緯之

河出圖天地有自然之象洛出書天地有自然之理
圖經也書緯也一經一緯相錯而成文圖植物也書
動物也一動一植相須而成變化見書不見圖聞其
聲不見其形見圖不見書見其人不聞其語圖至約
也書至博也即圖而求易即書而求難古之學者為
學有要置圖於左置書於右索象於圖索理於書
書相為經緯尚矣經之以書載前代成敗之實而

讀者興焉緯之以書繪前代成敗之形而觀者鑒焉
耳其言者入乎耳而著乎心目其繪者入乎目而著
乎心惟圖與書所以開導人君之聰明而交相養也
漢畫西閣堯桀並彰唐設連屏以鏡興亡金鋪
玉戶丹青相宣邦國若否瞻之在前翔翔周覽一
息千載攀輪折檻還笏挽裾凜凜生氣凌鏢坐隅
瓊室傾宮怠放侈麗圖其覆轍危竿敬器拱揖令
王為吾友朋想像昔賢為吾股肱綠字赤文如河
之出命工作績五采彰施圖象古昔以當箴規
明皇內殿無逸是張文宗太液尚書是錄正觀金

鏡祇以為書元和事跡目纔十餘漢賜列仙唐述無逸可以配無逸之屏代千秋之鑑

玉海卷第五十六

百忍圖

忍元亨利君	貞初吝終吉傳曰忍剛中而柔制
外治氣養心	子之吉彊力忍垢實左右商王伊尹
以之必有忍	以其有濟君陳以之能忍耻者安能忍
辱者存忍之	焉義大矣哉則曰心上有忍忍君子以
順德容物初	馬汝母嘗唾汝母乾報貞吉則曰辱
歎毋乾忍難	也次二忍辱至三公无咎則曰先辱
後禁量有容	也次三小不忍亂大謀有悔則曰小不
能忍必敗謀	也次四剛而忍胥利用入鄂薄曰剛者
堅忍必乃成	也次五誠一人之下信譽則曰上三用

事于漢中測曰以誠求信忍有功也三六事不...
有善无三測曰忍終則喜慶大來也
質曰忍之德其至乎樂天知命忍之原也忍念空靈
忍之方也天為剛德猶不干時天且忍而況人乎川
澤納汗山數世疾地猶忍而況人乎尺蠖之屈龍蛇
之蟄物皆忍而況人乎不為己甚犯而不校聖賢之
忍也執雌持下柔弱受垢老氏之忍也無諍三昧西
璧九年釋氏之忍也天子不可不忍武王之銘曰少
昊堯忍終身之忍也天子不可不忍詩刺鄭莊公小不
忍發大亂卿大夫不可不忍傳謂魯以相忍為國土

庶人不可不忍自主之治生以薄飲食忍嗜欲節衣
服仁者其言也訥訥忍也言不可不忍乎動心忍性增
益所不能性不可忍乎姜里陳蔡忍不可忍之患難
簞瓢緼袍忍不可忍之困窮其守節也忍饑於首陽
忍涓於盜泉其篤學也忍寒於映雪忍痛於焯掌陰
阻艱難晉侯忍以定霸卧薪嘗膽越子忍以復讎子
房忍取履淮陰忍跨下而為人際丙吉忍汗茵師德
忍唾面而為長者裴度則忍事陸遜則忍辱趙襄子
范睢則忍詭對敵能忍者勝一慙不忍者終身慙不
善加已直為受之張霸之忍也終身讓路不枉百步

朱仁軌之忍也忍於怨若蘭相如寇恂忍於誣若直
不疑卓茂劉寬不耐煩者拙康所以逢咎耐辱者司
空圖所以避劾司馬子長以隱忍求書謝安石以忍
須臾成名自反而縮勇而忍也不報無道強而忍也
忍謗以無辨忍侮以自省忍笑於口忍愧于顏苦言
忍而受交友忍而父如金忍于百鍊如松栢忍于霜
雪夫一忍可以支百勇故肥家以忍順養生以忍默
忍過事堪喜忍事故灾星古之人忍耻於三北忍愠
於三已忍於佩韋忍於吸醢彼鄉原之合汙非忍也
長樂老之癡頑非忍也挾輒不能忍爭拂衣不能忍

忍手板不能忍懼下難哉忍者仁之端也忍然
後有不忍之心其流於忍忍若為佳兵為峭法為終
忍為鬪張一朝之忿忘身及親莫大之惡成於斯須
不忍可不戒歟不忍小忿當辰諫周輕不忍久司馬
譏吳故曰萬事之中忍字為上忍之一字衆妙之門
忍之少時福祿無期又曰習忍可以至容知此者其
公藝乎書忍字至百餘焉家親而天下踈忍於外
易忍於內難公藝處家之心推之治天下裕如也

深寧叟述

玉海卷第五十七

浚儀王應麟伯厚詩

堯文

圖繪名臣

自古皇王褒崇勲德既勒名於鐘鼎又圖形於丹青

周明堂周公圖

家語觀周第十一孔子觀乎明堂觀四門牆有周公相成王抱之負斧扆南面以朝諸侯之圖孔子曰此周之所以藏也

有周盛時褒賞功德或藏在盟府或紀于太常或銘
於鼎吾之鼎獨周公有大勲勞於天下迺繪象于明
堂之墻期億萬年無忘師保之德使觀之者肅然動
心願竭忠盡瘁追配前人褒崇勸獎之道於是為至

漢未央宮畫

文苑英華盧鴻畫諫曰漢文帝三年朔護於未央宮
承明殿畫屈軼草進善在諱諍木敢諫鼓舞豸

漢麒麟閣名臣圖

蘇武傳甘露三年單于始入朝上思股肱之美西圖
畫其人於麒麟閣法其形貌著其官爵姓名唯霍光

名臣

不名曰大司馬侍陸侯姓霍氏次曰衛將軍富平侯
張安世次曰車騎將軍龍頌侯韓增次曰後將軍營
平侯趙充國次曰丞相高平侯魏相次曰丞相博陽
侯丙吉次曰御史大夫建平侯杜延年次曰宗正陽
城侯劉德次曰少府梁丘賀次曰太子太傅蕭望之
次曰典屬國蘇武皆有功德知名當世是以表而揚
之明著中興輔佐列於方叔召虎仲山甫焉凡十一
人皆有傳自丞相黃霸廷尉于定國大司農朱邑京
兆尹張敞右扶風尹翁歸及儒者夏侯勝等皆以善
終著名宣帝之世然不得列於名臣之圖以此知其

選矣注張晏曰武帝獲麒麟時作此閣圖書其象於閣遂以為名師古曰漢宮閣既名云蕭何造

博陸堂堂受遺武皇權定社稷配忠阿衡霍光安世

溫良塞淵其德子孫導業全祿保國張安世宣和自

守溫顏遂辭韓增本傳營平饒蟠立功立論以不濟可

上諭其信趙充國高平師師惟辟作威圖黜凶害天

子是毗魏相博陽不伐含弘光大天誘其衷慶派苗

裔丙吉延年寬和列于名臣其延年其在干京奕世

宗正劬勞王室用侯陽成劉德小心周密上信重之

梁丘長倩慎澳甄霍不舉蕭望之蘇武信節不試

長倩慎澳甄霍不舉蕭望之蘇武信節不試

五合壽式

漢未央宮趙充國圖

趙充國傳充國以功德與霍光等列畫未央宮成帝時言羌嘗有警上思將帥之臣追美充國廼召黃門郎揚雄即充國圖畫而頌之

漢南宮雲臺功臣圖當參攷褒功類人物類

後漢論中興二十八將前世以為上應列宿宋之詳也然咸能感會風雲奮其智勇稱為佐命亦各志能之士也永平中顯宗追感前世功臣乃圖畫二十八將於南宮雲臺其外有王常賈馮卓茂合三十二人

故依其本第係之篇末以志功臣之次云太傅高密
 侯鄧禹授西中山太守全椒侯馬成江大司
 馬廣平侯吳漢建大河南尹阜成侯王梁而
 左將軍膠東侯賈復方直琅邪太守祝阿侯陳俊
 大建威大將軍好時侯耿种廷驃騎大將軍
 參謀侯杜茂破廬方執金吾雍奴侯寇恂居河積弩
 將軍崑陽侯傅俊定江征南大將軍舞陽侯岑彭征
 左曹合肥侯堅鐔征西大將軍夏陽侯
 為異守洛陽上谷太守淮陽侯王霸以建義大將
 南侯朱祐降秦信都太守阿陵侯任光車征

勇將軍穎陽侯朱遵平豫章太守中水侯李
 顯而驃騎大將軍撫陽侯景升校右將軍
 魏里侯萬脩牙大將軍安平侯蓋延破太
 常靈壽侯邳彤言衛尉安成侯銑期勝驃
 騎大將軍昌成侯劉植說而東郡太守東光侯耿
 純亦橫野大將軍山桑侯王常心城門校尉朗
 陵侯臧宮模大司空固始侯李通奉捕
 虜將軍揚虛侯馬武無大司空安豐侯竇融解
 驃騎將軍慎侯劉隆討李太傅宣德侯卓茂鞅登
 曰帝績思又庸功是存有來群后捷我戎軒煥燹龍

姜儻景同龔補馬援傳顯宗圖畫建武中名臣

列於雲臺以椒房故獨不及援東平王蒼觀圖言

帝曰何故不畫伏波將軍象帝笑而不言通鑑

永平三年二月功臣之次鄧吳賈景恂彭異祐導丹

延期純宮武隆成梁俊茂俊鐔霸光忠脩彤植常通

融茂通鑑陶崇明集聖賢群輔錄云鄧禹吳漢

賈復耿弇寇恂馮異岑彭祭遵邛彤耿純王霸臧宮

景丹杜茂朱潁劉隆馬成王梁鮑期蓋延馬武劉惔

任光李忠万續陳俊傅俊堅鐔右河北二十八將光

武所與定天下禹漢弇恂異復彭遵光武之起資

為腹心祐丹延期純隆宮武光武之起資為禦侮成
案二俊茂霸鐔光忠脩彤植爪牙為良茂常通融四
七之餘續以繪之功臣之圖

漢西閣畫

楊惲傳惲上觀西閣上畫人指桀紂畫謂樂昌侯王
武曰天子過此一二問其過可以得師矣畫人有
舜禹湯不稱而舉桀紂

漢列士圖

論衡宣帝之時畫圖漢列士或不在于畫上者乎
恥之

見後

漢明帝殿閣畫

漢圖畫胡廣黃瓊頌

東觀畫象

漢書文學圖贊

胡廣傳熹平六年靈帝思感舊德乃圖畫廣及太尉
 黃瓊省內詔議郎蔡邕為頌注謝承書頌云巖巖山
 岳配天作輔降神有周生申及甫允茲漢室誕育二
 后曰胡曰黃方軌齊武惟道之淵惟德之藪股肱元
 首代作心卷月天生蒸人有則有類我胡我黃鍾鼓
 魏魏特進仍踐其位赫赫三事七佩其效

卷三

漢若六轡哀職龍章其文有蔚參曜乾台窮
 實功加八荒群生以遂迨哉魏乎莫與為二

帝敕中尚方為鴻都文學三十二人圖象立
 以勸學者臣聞圖象之設以昭勸戒欲令人君動
 得失一高彪傳詔東觀畫彪象以勸學者姜肱傳

下彭城使畫工圖肱形狀蔡邕傳靈帝光和
 元年置鴻都學畫孔子及七十二弟子陳紀傳

以至德豫州刺史嘉其至行表上尚書圖象百城
 以厲民俗漢州隸縣以錄
 卷實漢官典職曰尚書奏事於明光殿省中皆以胡

益州記成都學有周公禮殿舊記云漢獻帝時立高

漢禮殿圖 文翁學堂圖

益州記成都學有周公禮殿舊記云漢獻帝時立高

張叔畫盤古三皇五帝三代君臣與仲尼七十弟子

於壁間文翁祠碑云公為禮殿以舍孔子及七十二子之象殿右廡作石室舍公像其中後人又作

文翁學堂圖一卷隋志蜀文翁學堂像題記二卷

益部耆舊傳益州刺史董榮圖畫譙周像於州學

李業傳益部紀載其高節圖畫

李通頌之

李業傳益部紀載其高節圖畫

形象 宋祁文翁祠碑云公為禮殿以舍孔子及七

十二子之象殿右廡作石室舍公像其中後人又作

高朕象進偶公室嘉祐二年祁知益州肖公像於宇

間繪相如等于東西壁本古學之復莫若朕今學之

盛莫若蔣堂繪二公配祠焉 十賁太守文翁司馬

相如王褒嚴遵張寬李仲元何武揚雄太守高朕知

益州蔣堂

魯靈光殿賦曰圖畫天地品類羣生云云上紀開闢

遂古之初鴻荒朴畧厥狀睢盱煥炳可觀黃帝唐虞

下及三后云云惡以誠世善以示後先賢行狀曰

嘉靖丙辰年

陳紀與寔高名並著而弟謚又配之每宰府辟召羔
鴈成羣世號三君百城皆圖畫狀人紀見著書

漢賢王圖

唐志漢王元昌畫賢王圖韋無忝畫高祖及諸王圖
曹元廣畫高祖太宗諸子圖

魏溫室畫象贊

魏都賦

見負類

魏陳思王畫讚序曰畫者鳥書之流也

呂氏春秋史皇作圖

唐文學館十八學士圖 贊

褚亮傳亮與杜如晦等十八人為文學館學士武德

圖繪名臣

四年上以秦王功大前代官不足以稱之特置天策
上將軍位在王公上冬十月以秦王為天策上將軍
領司徒陝東道大行臺尚書令增邑二萬戶仍開天
策府置官屬秦王以海內浸平乃向儒學開館於宮
城西學館收聘賢才於是下教以王府屬杜如晦記
室房玄齡虞世南文學褚亮姚思廉主簿李玄道參
軍蔡允恭薛元敬顏相時諮議典籤蘇勉天策府後
事中郎于志寧軍諮祭酒蘇世長記室薛收舍曹李
守素國子助教陸德明孔穎達太學助教蓋文達宋
州總管府戶曹許敬宗並以本官兼文學館學士

卒召劉孝孫入館分為三番。迺宿閣下供給珍膳。恩禮優厚。每遇朝謁公事之暇。輒至館中引諸學士討論文籍。確畧前代無常禮之間。或夜分乃寢。又使庫直間立本圖像。文學褚亮為之贊。題名爵里。號十八學士。藏之書府。以彰禮賢之重。方是時。天下向慕。學士大夫得預其選者。謂之登瀛洲。寶錄云。勅成一卷。號口十八學士。寫

真圖 會要云 具題其爵里 藝文志 間立本畫秦府十八學士

圖又曹元廣畫秦王府學士圖 舊史列傳房玄齡

貞觀十八年。與司徒長孫無忌等圖形於凌煙閣。讚曰。才兼藻翰。思入機神。當官勵節。奉上忘身。一作危身

圖繪名臣

杜如晦兼文學館學士。畫像於丹青者十有八人。而如晦為冠首。令文學褚亮為贊曰。建平文雅。休有烈光。懷忠履義。一作抱義身立名揚。虞世南圖形凌煙閣。姚思廉為文學館學士。寫其形像。列於十八學士圖。令文學褚亮為讚曰。志古精勤。紀言實錄。臨名殉義。餘風勵俗。孔穎達。貞觀十八年。圖形凌煙閣。讚曰。道光列第。風傳闕里。精義霞開。揆辭颯起。蘇世長為學士。圖畫亮為讚曰。軍諮諧嘯。超然辯悟。正色于庭。匪躬之故。

十八學士贊 各四句。舊史贊十八文星。連輝炳耀。

唐書卷一百一十五

卷一百一十五

卷一百一十五

房玄齡杜如晦姚思廉孔穎達蘇世長見舊史本傳

虞世南。篤行揚聲。雕文絕世。網羅百氏。並包六藝。

李守素。賢哉博識。穆爾清風。游情文苑。高步談叢。

劉孝孫。劉君直道。存交守信。雅度難追。清文遠振。

褚亮。道高業峻。神清氣遠。學摠書林。文兼翰苑。

蓋文達。言超理窟。辯折談風。蒲輪遠聘。稷下連蹤。

于志寧。古稱益友。光斯職。蘊此文辭。懷茲諒直。

許敬宗。槐市騰聲。蘭宮游道。抑揚辭令。縱橫才藻。

顏相時。六文科籀。三冬經史。家擅學林。人游書市。

圖繪名臣

李玄道。李侯鑒遠。雅量淹通。清言析理。妙藻推工。

薛元敬。薛生履操。昭哉德音。辭奔健筆。思逸清襟。

蔡允恭。倚與達學。蔚有斯文。冰霜比映。蘭桂同芬。

蘇勉。業敏游藝。躬勤帶經。書傳竹帛。畫美丹青。

薛叔傳。後遍圖學士。太宗歎曰。恨不早圖其像。後圖

學士像。歎其早死。不得與。王覲有記。褚亮有贊。蔣

又有傳。王覲十八學士圖記曰。十八學士。皆煬帝

之臣。曷闇於隋。而明於唐。是有其材。而無其時矣。如

晦。玄齡。於一尉。或非好去任。或挂網徒邊。褚亮。虞南

不離下位。或嫉才見謫。或七品十年。暨顯我國家。則

有兼文武器重圭璋者。慷慨大節臨機能斷者。仁孝忠直預識存亡者。繫行檢身而有英略者。好學敏達。詳明吏道者。出入軍旅涉歷危難者。不憚兵威植立。忠誼者。博聞正儉文翰兼絕者。風韻閑雅善於吟詠者。精練詁訓長於講論者。立身行道之事。盡在斯矣。輒來本傳。列嘉績。庶幾閱像者思其人。披文者思其人。後周杜良作唐文皇畫像記曰。太宗已定天下。而高祖已登九五矣。太宗於閭閻疾瘼。干戈勤勞。且盡知之。於仁義之治。興太平極治之功。容或有未究焉耳。既作文學館。延四方英俊。講貫紬繹。薰陶耳目。

圖繪名臣

者莫非帝王之事。彼十八登瀛人必曰。為如是事而治。為如是事而亂。以太宗之明。刻記于心。肯圖衰亂乎。一意於求治而已。仁鑪義輔。道薪德火。日社月稷。就聖神之模。其為宗廟社稷生靈者。炳焉與三代無以異矣。故太宗之功烈。自漢高以降。莫之與敵。十八人之力也。名賢畫錄。闕立本圖。秦府十八學士。凌煙閣二十四功臣。輝映今古。惟職貢鹵簿等圖。與立德同製之。南齊竟陵王子良集學士於西邸。並見圖畫。

唐貞觀圖功臣凌煙閣高宗附

太宗紀貞觀十七年二月戊申圖功臣于凌煙閣

云無忌等勳 秦瓊傳十七年詔司徒趙國公無忌

河間王孝恭司空萊國公如晦司空太子太師鄭國

儀同三司鄂國公敬德特進衛國公靖 會無特進

宋國公瑀輔國大將軍褒國公志玄輔國大將軍

射鄭國公開山荊州都督譙國公紹荊州都督邳國

公順德傳帝開功區圖見其洛州都督鄭國公亮

部尚書陳國公君奭左驍衛大將軍鄭國公

領軍大將軍盧國公知節禮部尚書永興郡公世英

戶部尚書渝國公政會戶部尚書莒國公儉兵部

書英國公勳太宗時李勳已畫像高宗永徽四年并叔

寶並圖形凌煙閣高宗永徽六年遣使致祭名臣圖

形凌煙閣者凡七人徵士廉瑀志玄弘基世南叔寶

皆終始著名者也 會要貞觀十七年二月二十八

日詔曰甘露良佐麟閣著其美建武功臣雲臺紀其

跡司徒長孫無忌河間王孝恭司空萊國公杜如晦

太子太師鄭國公魏徵梁國公房玄齡鄂國公尉遲

敬德宋國公蕭瑀褒國公段志玄夔國公劉弘基義國公屈突通右僕射鄭國公殷開山譙國公許紹邲國公長孫順德鄭國公張亮吏部尚書陳國公侯君集邲國公張公謹盧國公程知節永興郡公虞世南前國公劉政會莒國公唐儉英國公李勣胡國公秦叔寶等二十四人可並圖形凌煙閣議公當誤而遺高士廉唐呂溫一作賴有一作賴高申公士廉按序云象二十四氣之佐天即二十四人明矣然只贊二十二人不贊張亮侯君集以其負國跋扈自稱大

逆故沒其名用彰天刑異姓為後又以河間王孝恭為首會要叙二十二人遺衛公靖與高申公士廉却言叔寶等二十四人藝文志太宗凌煙功臣贊一卷今狐德菜凌煙閣功臣故事四卷雜史類蔣又凌煙功臣秦府十八學士史臣等傳四十卷藝術類凌煙閣功臣二十四人圖閣立本畫秦府十八學士立本之跡也又有舊史永徽五年高宗圖長孫無忌形象親為畫贊以賜之通志有唐朝功臣配享圖李嗣真武后奇其風度召閻元靜圖之楊志誠為贊殷仲容書

唐廣德凌煙閣功臣

代宗紀廣德元年七月壬子給功臣鐵券藏名于太

廟圖形凌煙閣實錄御宣政殿下詔唯王至曹楚五

侯希逸寶應初德宗紀為天下兵馬元帥封雍王

寶應元年十月諸將敗史朝義遂克東都十一月朝

義死河北平以功兼尚書令與功臣郭子儀李光弼

等賜鐵券圖形凌煙閣李光弼傳浙東賊袁晁反

台州建元寶勝以建丑為正月殘剽州縣光弼遣

下破其衆於衢州廣德元年擒是浙東平詔增實封

戶二千與一子三品階賜鐵券名藏太廟圖形凌煙

閣郭子儀傳回紇吐蕃入寇代宗跌幸陝程元振

懼罪說帝都洛陽帝可其計子儀表諫帝得奏泣謂

左右曰子儀社稷臣朕西決矣乘輿還子儀頓首請

罪帝勞曰用卿挽至此乃賜鐵券圖形凌煙閣

鮑防傳代宗時兼太原尹人樂其治詔圖形別殿

唐貞元凌煙閣圖象聖曆侍臣圖贊

舊紀貞元五年九月壬戌詔以褚遂良已下至李晟

等二十七人圖形於凌煙閣以繼國初功臣之像

李晟傳貞元三年進拜太尉中書令明年詔為晟之

五廟他日與馬燧見延英帝嘉其勳下詔曰昔我烈

袒乘乾坤盪滌掃隋季宸第體元御極作人父母則
 有熊羆之士不二心之臣左右經綸參贊締創昭文
 德開武功威不庭康不乂用端命于上帝付畀四方
 王業既成太階既平乃圖厥容列于凌煙閣懸昭績
 效表式儀刑以弗忘朝夕永垂平來裔君臣之義厚
 莫重焉歲在己巳秋九月會要貞元己巳歲孟秋七月我行西宮
 瞻望崇構見老臣遺像顯然肅然和敬在色想雲龍
 之恊期感政業之艱難覩往思今取類非遠且功與
 時並才與世生苟蘊其才遇其時尊主庇人何代蔑
 有在中宗時有如桓彥範等著輔戴之績在玄宗時

名臣

有如劉幽求等申強翼之勲在肅宗時有如郭子儀
 掃除氛祲今顧晟等保寧朕躬咸宜力肆勸光復宗
 祐訂之前烈夫豈多謝闕而求錄孰旌厥賢况念功
 紀德文祖所為也在予其曷敢怠有司宜叙先後各
 圖其像于舊臣之次命皇太子書其文以賜晟晟刻
 石于門 會要貞元五年九月李晟馬燧見延英上
 嘉其勲下詔曰 云云 於是史官考其功績第其前後
 以褚遂良蘇定方郝處俊等三十七人充之 馬燧
 傳興李晟皆圖像凌煙閣 張萬福傳江淮草木亦
 知威名德宗召為右金吾大將軍詔圖形凌煙閣

李惟簡傳號元從功臣圖形凌煙閣賜鐵券蔣乂
傳德宗嘗登閣視右壁額剝題文漫闕行繞數字命
錄以問宰相無能知者遽召乂至荅曰此聖曆中侍
臣圖贊帝前口誦以補不失一字

唐太中圖元和將相凌煙閣續圖凌煙

功臣

宣宗紀大中二年七月己巳續圖功臣于凌煙閣
李絳傳大中初詔史官差第元和將相圖形凌煙閣
絳在馬獨留中忠義傳大中初又詔求李峴王珪
戴胃馬周褚遂良韓瑗郝處俊婁師德王及善朱敬

則魏知古陸象先張九齡裴寂劉文靜張柬之袁恕
己崔玄暉桓彥範劉幽求郭元振房瑋袁履謙

業張巡許遠盧弈南霽雲蕭華張縞李勉張鎰蕭復
柳渾賈耽馬燧李燈三十七人畫像續圖凌煙閣云

會要只有三十六人名而曰三十七人
人有岑本而無褚遂良袁恕己

會要大中二

年七月十一日史館奏選堪上凌煙閣功臣除所有
舊真形并有子孫在中外任官令寫進外三十七人
敕旨令御史臺牒諸縣尋訪子孫圖寫真形以進
崔損凌煙閣功臣賦見文苑英華
文宗畫王起象於便殿當世仲尼

唐開元十八學士圖

合象亭圖贊

藝文志商鞅韋無忝畫開元十八學士圖開元人
張說傳天子尊尚經術開館置學士修太宗之政皆
說倡之常與集賢圖書之任間雖致仕一歲亦脩史
於家始帝欲拜說大學士辭曰學士本無大稱中宗
榮寵大臣乃有之臣不敢以為稱固辭乃免後宴集
賢院故事官重者先爵說曰吾聞儒以道相高不以
官閱為先後太宗時修史十九人長孫無忌元舅每
宴不肯先舉爵長安中興修珠英當時學士亦不以
品秩為限於是引觴同餘時服其有體馬植傳奏言
開元中麗正

圖繪名臣

殿賜酒大學士張說以十八人不知先舉者說以學士德行相先遂同舉酒中書舍人陸

堅以學士或非其人而供擬太厚無益國家者議曰
罷之說聞曰古帝王功成則有奢滿之失或興池觀
尚聲色今陛下崇儒向道躬自講論詳延豪雋則麗
正乃天子禮樂之司所費細而所益大矣會要開

元十三年改集仙殿為集賢殿麗正書院為集賢院
詔院內五品以上為學士六品以上為直學士中書
令張說充學士知院事散騎常侍徐堅為副禮部侍
郎賀知章中書舍人院陸堅並為學士國子博士康
子元為侍講學士考功員外郎趙崇曦監察御史咸

唐書卷一百一十五

禮部志

虞業左補闕韋述李子釗陸去泰呂向拾遺母照大
 學助教余欽四門博士趙玄默校書郎孫季良並直
 學士太學博士侯行果四門博士敬會真右補闕馬
 朝隱並侍講學士初以張說為大學士辭之 **列傳**
 賀知章開元十三年兼集賢院學士玄宗自為贊賜
 之 康子元玄宗嘗制衣贊賜說子元命工圖其象詔冬曦
 述照分為傳 陸堅玄宗待之甚厚圖形禁中親製
 贊 趙冬曦開元集賢學士又有尹愔鄭欽說盧僊
 名稍著 **集賢注記**殷季友殷紱韋無忝等分貌張
 說等燕公以手雜不精奏同州僧法明獨貌諸學士

圖繪名臣

等法明於寫貌無工切於形似圖成奏之上稱善令

藏其本於書院

詳見集賢書院圖以年久致失康子元得一本取以進今唯存

馬

翰林盛事

開元中拜張說等十八人為學士於

東都上陽宮含象亭圖象寫御贊述之

唐孔子廟圖七十子

開元二十二賢圖

贈孔子弟子爵

禮樂志武德六年

六月詔國子學立孔子廟貞觀二

十一年

二月十五日詔左丘明卜子夏公羊高穀梁赤

伏勝高堂生戴聖毛萇孔安國劉向鄭眾賈逵杜子

春馬融盧植鄭玄服虔何休王肅王弼杜預范甯二

嘉靖內辰年

十二人皆配享。開元八年三月十日，司業李元瓘奏先聖廟為十哲象，以先師顏子配，則配象當坐。今乃立侍，餘弟子列象廟堂，不像享。而范甯等皆從祀，請釋奠十哲享於上，而圖七十子於壁。曾參以孝受經於夫子，請享之。如二十二賢，乃詔十哲為坐像，悉豫祀。曾參、大孝、德冠同列，特為之像，坐亞之。圖七十子及二十二賢於廟壁。二十七年八月十日，詔謚文宣王，以其嗣為文宣公。先時以周公南面，而夫子坐西墻下。貞觀中廢周公祭，而夫子位未改。至是始改南向，以顏淵配。贈諸弟子爵公侯。子淵、充、公子騫、費侯、伯牛

圖繪名臣

鄭侯、仲弓、薛侯、子有、徐侯、子路、衛侯、子我、齊侯、子貢、魯侯、子游、吳侯、子夏、魏侯、又贈曾參以降六十五人。
曾參開元二十四年 參成伯、顓孫師、陳伯、澹臺滅明、江伯、宓子賤、單伯、原憲、原伯、公冶長、宮伯、南宮适、郊伯、公皙哀、郟伯、曾點、宿伯、顏路、杞伯、商瞿、蒙伯、高柴、共伯、漆彫開、滕伯、公伯寮、任伯、司馬牛、向伯、樊遲、樊伯、有若、卜伯、公西赤、邵伯、巫馬期、鄆伯、梁鱸、梁伯、顏柳、蕭伯、冉孺、郛伯、曹邴、豐伯、伯虔、鄒伯、公孫龍、黃伯、冉季、產、東平伯、秦子南、少梁伯、漆彫斂、武城伯、顏子驕、琅邪伯、漆彫徒父、須句伯、壤駟赤、北徵伯、商澤、睢陽

圖繪名臣

王漢卷五十七

十八

國史文獻

伯石作蜀郕邑伯任不齊任城伯公夏首亢父伯公
 良孺東牟伯后處營丘伯秦開彭衙伯奚容蒧下邳
 伯公肩定新田伯顏襄臨沂伯鄒單銅鞮伯句井疆
 淇陽伯罕父黑乘丘伯秦商上洛伯申黨召陵伯公
 祖子之期思伯榮子期雩婁伯縣成鉅野伯左人郢
 臨淄伯燕伋漁陽伯鄭子徒滎陽伯秦非沂陽伯施
 常乘氏伯顏噲朱虛伯步叔乘濇子伯顏之僕東武
 伯原亢籍萊蕪伯樂欬昌平伯廉黎言父伯顏何開
 陽伯叔仲會瑕丘伯狄黑臨濟伯邾嬰平陸伯孔忠
 汶陽伯公西與重仁伯公西蒧祝阿伯於是二京之

會名臣

祭禮太牢樂宮縣舞六佾矣云云

會要開元八年

三月十八日元璣奏云云七十子者文翁之壁尚不

缺如豈有國庠遂無圖繪請命有司圖形於壁兼為

之贊上以顏子亞聖親為製贊書于石仍令朝士分

為之贊題于壁漢藝文志論語家有蘇冕曰檢貞觀

顯慶年敕並稱二十一賢又檢太極開元年敕即稱

二十二賢將前敕與學令比類於服虔之下有賈逵

未知何年月附入舊紀武德二年六月戊寅令國

子學立周公孔子廟四時致祭仍博求其後乾封元

年正月甲午次曲阜縣幸孔子廟開元二十七年八

月甲申。照孔子文宣王。顏回充國公。餘十哲皆侯夾
坐。詳見學校釋奠類。韋弘機傳。顏慶中為檀州刺
史。脩學官。畫孔子七十二子。漢晉名儒象。自為贊勳
生徒。

唐武成廟名將圖

禮樂志。開元十九年。丙申。始置太公尚父廟。以留侯
張良配。中春。中秋。上戊。祭之。牲樂之制。如文宣。仍以
古名將十人為十哲配。享上元元年。贈懷慶日尊太
公為武成王。以歷代良將為十哲。白起。韓信。諸葛亮
李靖。李勣。列於左。張良。田穰苴。孫武。吳起。樂毅。列於

右。以良為配。後罷為中祀。遂不祭。建中三年。置正
日禮儀使。顏真卿奏。武成廟請如月令。春秋釋奠。
一。詔考定可配享者。列古今名將凡六十四人。因
形焉。范蠡。孫臏。廉頗。王翦。曹參。周勃。李廣。霍去。病。鄧
禹。賈復。寇恂。馬援。皇甫嵩。張遼。關羽。周瑜。陸遜。羊祜。
王濬。謝玄。慕容恪。檀道濟。王僧辨。慕容紹宗。宇文憲。
韓擒虎。史萬歲。尉遲敬德。蘇定方。張仁愿。王晙。王孝
傑。以上三十一人。列於左。管仲。田單。趙奢。李牧。彭越。周亞。天衛
青。趙充國。吳漢。馮異。耿弇。段穎。鄧艾。張飛。呂蒙。陸
杜預。陶侃。王猛。長孫嵩。王鎮惡。吳明徹。斛律光。于謹。

韋孝寬楊素質若弼河間王孝恭裴行儉郭元振張
齊丘郭子儀以上列貞元二年刑部尚書閔播奏太
公古稱大賢今乃置亞聖又有未安而仲尼十哲皆
當時弟子今以異時名將列之弟子非類也請但用
古今名將配享去亞聖十哲之名自是唯享武成王
及留侯而諸將不復祭矣 **藝文志** 盧鋌武成王廟
十哲讀一卷 **百官志** 武成王廟令一人
六十四名將七國范蠡等八人兩漢曹參等十七人
三國張遼等八人晉羊祜等五人南北朝檀道濟等
十二人隋韓擒虎等四人唐尉遲敬德等十人

唐崇賢學士圖贊

顏魯公集 顏勤禮與兄師古相時同時為崇賢弘文
館學士太宗嘗圖畫崇賢諸文學士命師古為讚以
兄弟不宜相褒述乃命中書舍人蕭鈞讚勤禮曰德
彰素里行成蘭室鶴鑰馳譽龍樓委質當代榮之當
考 **會要** 顯慶元年三月十六日太子弘請於崇賢
館置學士

尼父有徒人之法晉帝著樂賢之象

唐龍朔功臣圖

藝文志 雜藝術類有韓幹畫龍朔功臣圖於

觀名

唐麟德殿漢名臣圖

會要貞元十二年二月己卯以寒食節御麟德殿內宴於宰相位後施畫屏風圖漢名臣仍紀其嘉言美行題之于下

陸德行曰觀古圖畫略聖之君皆有名臣在側

唐古今朝臣圖

唐史韋述傳聚書二萬卷皆自校定兼古今朝臣圖歷代知名人畫魏晉已來草隸真跡數百卷志曹九廣畫後周北齊梁陳隋武德貞觀永徽等朝臣圖

武后左

唐六賢圖讚

志雜傳記李渤六賢圖讚一卷崇文目同見後

唐九老圖

白居易傳稱香山居士嘗與胡杲吉旼鄭據劉真慶真張渾狄兼暮盧貞燕集皆高年不事人慕之繪為九老圖

唐歷代名畫記

書目十卷唐張彥遠撰首論畫源流興廢至叙畫人姓名自史皇至唐王默凡三百三十餘人塘

唐帝王事迹圖

宋朝宗室傳守節上所集唐帝王事迹為列聖圖

端拱注撰武成王廟贊

和峴傳端拱初以所著奉常集五卷祕閣集二十卷注撰武成王廟贊五卷奏御上嘉之授判太常寺兼禮院事

明道重修七十二賢圖贊傳

明道元年八月戊午詔國子監重修七十二賢堂其左丘明而下二十一人並以本品衣冠圖之先是真宗於至道三年七月癸酉詔文宣王十哲七十二賢

豫成加繪飾元豐七年五月壬戌詔釋奠以鄒國

公孟軻配食文宣王設位于兗國公之次荀況揚雄

韓愈以世次從祀于二十二賢之間並封伯漢成

總昌又詔學士院撰贊

明道元年六月癸卯國子監說書李敏上所著孔子七

十二弟子贊傳六十卷國史志李略六十卷

治平孝嚴殿圖文武大臣

治平元年三月作仁宗神御殿于景靈宮西園八月成名曰孝嚴別殿曰寧真戶部副使張燾請圖乾興以來文武大臣於殿壁繪像自此始十二月御篆孝

慶曆二年四月丙午奉安仁宗御容

元豐景靈宮繪製臣

元豐五年十一月乙酉修且尔靈宮成奉安聖容繪製

臣

紹興景靈宮圖配饗功臣

十三年正月乙酉建景靈宮十八年五月甲子一昨

命有司圖配饗功臣像于景靈宮廷之壁皇武殿太

祖韓忠獻王趙普咸平二年二月丙申初周武惠王

曹彬天定殿太宗司空同平章事諡文惠薛居正樞

密使諡元懿石熙載鄭武惠王滿美熙文殿真宗右

諸名臣

僕射平章事諡文靖李沆魏文正公王旦山南東

節度使同平章事諡忠武李繼隆美成殿仁宗沂

正公王曾許文靖公呂夷簡簽書樞密院諡武穆曹

瑋治隆殿英宗魏忠獻王韓琦魯宣靖公曾公亮天

明殿神宗韓文忠公富弼重光殿哲宗溫文正公同

馬光永元殿徽宗魏文定公韓忠彥凡十有六人先

禮部下諸路訪十九年八月甲戌詔以景靈宮

像功臣之副藏于天章閣及秘閣復故事也先是九

年四月二十五日李德光上五帝功臣繪像圖

慶殿欽宗皇德殿高宗呂頤浩趙鼎韓世忠張俊

隆慶孝宗陳康伯史浩美明殿光宗曾祥岳光殿宗汝愚合二十四人

商盤庚云茲予大享于先王爾祖其後與享之

大丞司勳詔之洛誥云記功宗以功作元祀漢祭功

臣廟庭魏正始六年拾祭太祖廟佐命臣二十一人

晉咸寧初荀勗等十二人銘切太常配享清廟唐武

德至大中功臣列祀典三十八人漢舊儀宗廟祭

功臣四十人食堂下惟御饗滕公祭於朝門外

一壺酒四脛骨

崇寧元年命取狄青畫像入觀禁中遣使賫中其家御製祭文

紹熙八圖

黃裳為嘉王府翊善作八圖以獻曰太祖曰三才

性曰天文曰地理曰王伯學術曰九派學術曰帝王

紹運終以百官文武各述其大旨因誕日作渾天儀

輿地圖以獻皆以木為之因為歌詩勉進學知天之

運行而不息及念祖宗部國大半陷為賊區乃王之

所宜感憤者

寶慶紹勳崇德閣圖配饗功臣

皇帝誕膺駿命憲章鴻烈嗣位之元顧二三大臣
 惟前寧人昭則岳佑予曷敢不迪既而太常禮官
 嘉定表章勲臣之意以聞於是奉俞咨閱故府凡以
 功宗作元祀自韓忠獻王晉至鄭文定公郊合文武
 二十有三人即頌臺建傑閣肖象登繪寶慶二年八
 月賜名昭勲崇德之閣宸翰書扁紹定元年十一月
 癸巳詔翰林學士清之為記端平二年益以汝是

自昔繼體守文之君欲大有為於天下必賴諸
 濟康功是以元首股肱相頌一體志同道合乃

繪名臣

成載之詩書不可誣已然自非藻繪形容昭揚勲德
 以著其感會之榮奉承之蹟何以為君子之勸哉
 吳越春秋越王使良工鑄金象范蠡之形置之坐側
 朝夕與之論政

記志

古之史官必廣其所記非獨人君之舉後世因其
 事類相繼而作者甚衆名目轉廣又雜以虛誕怪
 妄之說推其本源蓋亦史官之末事也

堯握河記

嘉靖丙辰年

海

二

五生場文煥刊

文選王元長曲水詩序注帝王世紀曰堯與群臣沈壁於河乃為握河記今尚書候是也

禹受地記

三禮義宗明天地歲祭義禹受地記云崑崙東南五千里之地謂之神州

周記

韓非子周記曰無尊大臣以擬其主

孔子三朝記

漢志論語十二家孔子三朝七篇注師古曰今大戴禮有其一篇蓋孔子對魯哀公語也三朝見公故曰

記

三朝 史記黃帝紀漢高帝紀臣瓚引孔子三朝記

漢武紀元光元年注亦引之索隱曰劉向別錄云孔

子見魯哀公問政比三朝退而為此記凡七篇並入

大戴禮 蜀志秦宓曰昔孔子三見哀公言成七卷

注劉向七略曰孔子三見哀公作三朝記七篇今在

大戴禮臣松之案中經部有孔子三朝八卷一卷目

錄餘者所謂七篇梁疏引三朝記爾雅疏張揖引禮

三朝記

漢河間古辟雍記

見三雍類志儒家河間獻王對上下三雍宮三篇

嘉靖丙辰年

卷五十一

二

蓋生揚文煥刊

漢逸禮王度記

輿服志注逸禮王度記曰天子駕六馬諸侯駕四

夫三士二庶人一白虎通王度記曰子男三卿一

卿命於天子天子冢宰一人爵祿如天子之大夫反

之以玦王者有象君之德天子鬯諸侯薰大夫芑蘭

士薰禮記雜記注王度記百戶為里里一尹周

禮疏王度記云天子以鬯諸侯以薰曲禮疏按大

戴禮王度記云大夫侯放於郊三年得環乃還得玦

乃去禮記疏案別錄王度記云似齊宣王時淳于

髡等所說也三禮義宗王度記云王者象君子之

託

德

文王世子記曰有師保有疑丞世子之記曰朝夕

于大寢之門外注世子之禮云此存其記學記云

記曰三王四代唯其師

禮三正記

曲禮正義案白虎通稱禮三正記天子龜一尺二寸

諸侯一尺大夫八寸士六寸白虎通別名記曰司

徒典民司空主地司馬順天禮別名記曰五人曰茂

十人曰選百人曰俊千人曰英倚英曰賢萬人曰傑

萬傑曰聖禮三正記曰正朔三而改文質再而復質

法天文法地禮親屬記曰男子先王稱兄禮運記曰六情所以扶成五性也儀禮疏按三正記大夫著

五尺故立筮士之著三尺當坐筮三禮義宗引三

正記曰三王各以正月祭天南郊日用上辛夏官

注引王霸記疏云記王乃霸事白虎通又引禮五

帝記支選注引禮瑞命記古瑞命記

蔡氏辨名記

月令正義蔡氏辨名記曰十人曰選倚選曰俊萬人

曰傑尹文子及毛詩傳皆云萬人為英春秋正義

辨名記云倍人曰茂十人曰選倍選曰雋千人曰英

記

倍英曰賢萬人曰桀倍桀曰聖唐志名家范謚辨名苑十卷雜家盧辯稱謂五卷徐陵名數十卷

漢鄭志 鄭記

見經解類初學記引鄭記王賡問曰云云後魏

禮志引鄭志檢魯禮南齊禮志引鄭志正月上辛

祀南郊又引趙商問續漢群國志注引鄭志曰有

小泰山書正義引鄭志張逸問鄭荅云禮記正

義引鄭志荅趙商問焦喬荅王權云周禮疏引鄭

志趙商問又案雜問志詩正義引鄭志荅趙商云

荅張逸云鄭志張逸問又引雜問志云隋志鄭志

荅張逸云鄭志張逸問又引雜問志云隋志鄭志

十一卷魏侍中鄭小同撰鄭記六卷鄭玄弟子撰

魯禮禘祫記

詩正義鄭康成

魏人物志 唐廣人物志

劉劭傳黃初中為尚書郎受詔集五經群書以類相

從作皇覽後與荀悅等定科令作新律十八篇著律

畧論景初中受詔作都官考課七十二條說略一篇

又著樂論十四篇凡所撰述法論人物志之類百餘

篇文選注引唐志名家隋志劉劭人物志三卷魏

騎常侍崇劉昞注人物志三卷涼祭酒中興書

記志

目二卷述人性品有上下材質有邪正欲考諸行事

而約之中庸十二篇九證體別流業才理才能利害

接識英雄八觀七繆效難釋事廣人物志一卷唐進

士杜周士撰志三卷崇採唐朝名臣賞拔人物自武德

止正元凡五十五科以廣劉劭志云陸羽有南北人

物志十卷唐志又有趙武孟河西人物志十卷宋

璩吳興人物志十卷名家江敞陳留人物志十五卷

陽休之幽州古今人物志三十卷傳記類李德裕

人物志論以為索隱精微研幾玄妙然品人物不倫

以管仲商鞅俱為法家是不究成敗之術也以子產

管仲商鞅俱為法家是不究成敗之術也以子產

西門豹俱為器能是不辨精麤之迹也其甚者曰辨不入道而應對資給是謂口辯樂毅曹丘生是也一人之身兼有英雄高祖項羽是也

隋志名家梁有姚信士緯新書二卷魏盧毓九州人士論一卷

吳張儼默記

諸葛亮傳注吳大鴻臚張儼作默記其述佐篇論亮與司馬宣王書唐志雜家三卷

晉博物志

張華傳著博物志十篇唐志小說家十卷隋志雜

記七

家十卷

書目十卷采錄雜說異聞有周日用盧氏

注釋間見于下異氏云載歷代四方奇物異事拾

遺記張華作博物志晉武賜以麟角筆管遼西所獻

青鐵硯于闐所貢鐵則理紙萬番南越所貢北史

常景刪正張華博物志隋志張公雜記一卷張華

撰糖志梁有五卷與博物志相似小不同又雜記十

一卷郭義恭廣志二卷後漢郡國志律志注引博

物記春秋正義引博物志廣志魏志後漢書注

引博物志班超傳注引郭義恭廣志

續成傳著異物志遠游志皆十卷干寶傳寶撰集

古今神祇靈異人物變化名為搜神記凡三十六卷語
 刻說以示劉惔惔曰卿可謂鬼之董狐實博采異聞
 遂混虛實因作序以陳其志 隋志魏文帝列異傳
 三卷宋東陽元疑齊諧記七卷吳均續齊諧記一卷
 取莊子志怪之義 書曰搜神總記十卷崇文目云
 不著撰人名氏或題干寶撰非也 唐顧况有戴氏
 實異記序戴孚二十卷

晉發蒙 記見小學 啓蒙記

傳所著三編 傳七代通記 晉書紀志云

經通論發蒙 編六詩文集數十篇行於世

隋志一卷著作郎束皙 顧愷之傳著啓蒙記

晉西京雜記

隋志舊事類葛洪二卷 唐志地理類 書目二卷

晉葛洪撰初洪有劉子駿漢書無首尾題目但以甲

乙丙丁紀卷數洪父傳之歆欲撰漢書編錄未就後

好事者始甲終癸次第為十秩秩十卷合百卷洪以

校班史殆是全取劉書而固所不取者不過二萬言

洪抄為二卷以裨漢書之缺案洪後序復有漢武帝

禁中起居注一卷漢武故事二卷并五卷為一秩今

雜記共六卷不同疑後人誤析爾故事見前起居注今不存顏師古曰其書淺俗出里巷多妄說或以為吳均依記為之

晉拾遺記

晉藝術傳見錄類書目別史類晉王嘉漢著拾遺

記十卷事多詭怪今行於世梁蕭綺序云本十九卷書後殘缺綺因刪集為十卷

晉文章志

見總集文章類

晉華陽國志

隋志霸史昭文華陽國志十二卷唐志常璩撰記

人物後漢書注華陽黑水惟梁州孔安國注曰此

拒華山之陽故常璩叙蜀事謂之華陽國志光武

蜀志崔慰祖著海岱志起大公迄西晉人物為四十

卷隋志地理有揚雄蜀王本記一卷

譙周三巴記一卷常璩蜀志一卷唐志雜史有王

隱刪補蜀記七卷後漢注引孫盛蜀譜南中

部志李膺益州記蜀志注引王隱蜀記蜀本紀益

部耆舊雜記益州耆舊傳

部耆舊雜記益州耆舊傳

部耆舊雜記益州耆舊傳

古今集記

文選王儉集序撰古今集記今書七志為一家言

梁述異記

書目任昉二卷梁天監二年撰崇文目昉家書三萬

卷多異聞又采於秘書撰此記唐志小說家祖冲

之述異記十卷

梁皇德記

梁書周興嗣撰皇德記

春殿義記

梁書簡文在東宮撰一百卷徐陵為序義記

史云長春義記

唐志

一百興經解類

梁孔志

隋志梁有孔志十卷梁太尉參軍劉被撰

唐一百二十五家雜傳記

周諸侯史記

志史錄雜傳記一百二十五家一百四十六部一千

六百五十六卷失姓名十四家始於趙岐三輔决錄

次魏文帝海內士品錄魏明帝時海內先賢傳終於

李龔與急忠孝圖傳讀許敬宗文館詞林文人傳自崔

元暉交義傳至武誼自古忠臣傳不著錄五十一家

二千五百七十四卷附以女訓自劉向列女傳至鳳

樓新誠十七家二十四部三百八十三卷。摠一百四十七家一百五十一部。隋志二百十七部一千二百八十六卷。周官外史掌四方之志，則諸侯史記兼而有之。阮仲勳藏於盟府，司寇盟書登天府，則王者誅賞具錄其事，善惡之迹畢集。史職而又閭胥族師，當正書敬敏孝悌德行，入於鄉大夫。大比獻其書登天府，是以側陋之士言行必達，皆有史傳。漢阮倉作列仙圖，劉向作列仙列女列士傳，皆不在正史。光武始詔南陽撰作風俗郡國之書，由是作魏文帝作列異以序奇怪，嵇康作高士傳以叙聖賢，今部而類

之謂之雜傳

舊唐志雜傳一百九十四部一千七百八卷

唐西征記

韋弘機傳

貞觀初為左千牛曹參軍使西突厥會

石國叛道梗

三年不得歸裂裾錄所過風俗物產為

西征記比還

太宗問外國事即上其書帝大悅志

雜傳記類卷

亡地理類載祚西征記二卷文選注引

唐景龍文館記

志武平

撰十卷諡文目

中宗景龍二年詔修文

館置大學士學士直學士凡二十四員賦詩廣唱是書咸記錄為七卷又學士二十九人傳為三卷記云大學士四人象四時學士八人象八節直學士十二人象十二時張說文景龍之際六合清謐內峻圖書之府外闢修文之館搜英獵峻野無遺才白雲起而帝歌翠華飛而臣賦雅頌之盛與三代同風

唐兆人本業記

志農家武后兆人本業三卷

會要垂拱二年四月

七日武后撰百寮新誠及兆人本業記頒賜朝集使

唐初學記

志類書類初學記三十卷張說類集要事以教諸王

蘇儻部徐堅韋述余欽施敬本張烜李銳孫季良等

分撰會要開元十五年五月一日集賢學士徐堅

等纂經史文章之要以類相從上制名初學記至是

上之欲令皇太子諸王檢事綴文

中興書目神龍中徐堅掇諸書分門類事附見詩賦銘頌之文

賢注記開元十六年正月學士徐堅已下撰成初學

記三十卷奏之賜給有差寫十本分賜諸王初尹鳳

翔宣敕與燕公云且子欲學綴文若御覽類文博要

珠英之類部秩廣上八卿真學士撰集要事要文以類

相從務要省便

王海卷五十七

三十一

唐翼善記

宿無量傳玄宗為太子拜司業兼侍讀撰翼善記以
進厚被禮答志儒家類卷二

唐東封記

漢封禪儀記見封禪

唐東封記

奏東封記

志一卷儀注類初

唐東封記

唐兩京新記

唐兩京新記

五卷

宋敏求依韋述例撰汴都

唐兩京新記

以雍洛遺事為長安河南志各

二十卷

唐御史臺記

志職官類韓琬十二卷韋述十卷李廷御史臺故事

三卷

杜易簡御史臺雜注五卷

集賢注記宋州司

馬韓琬上續史記

一百三十卷南征記十卷御史臺

記十二卷

書目

韓琬十二卷載唐初至開元御史

臺中制度故事以大夫中丞侍御史殿中監察主簿
錄事分門載次名行事著論一篇叙御史正邪得失

附卷末以為世戒

嘉祐御史臺記五十卷馮縵已撰

臺有記始於武后時姚庭筠其後韓琬韋述嗣有記

者嘉祐中王壽命潔已續之自建隆之元迄嘉祐八年凡一百四年分門載名氏行事繫配之好為叙于宋聖寵新御史臺記崇寧中續韓琬書用其現式所異者不為諸人立傳於儀制令式為詳

唐王政記

裴遵慶傳初為郎中著王政記述古今治體識者知有公輔器志王政記卷亡鄭侯家傳德宗謂李泌曰朕欲知自古政理之要而史籍廣博卒難尋究讀何書而可對曰昔魏徵為太宗畧群書之言理道者成五十卷謂之群書理要今集賢合有本又肅宗

明幸臣裴遵慶撰自上古以來至貞觀帝王成敗政謂之王政記凡六十卷比寫一本送臣欲令進于先朝竟未見其書見在臣請進之以廣聖聰此尤善也者五常皇極志

唐輔佐記

唐職官類賀蘭貞元輔佐記十卷會要貞元十二

年志云十月昭義判官賀蘭貞元進用人權衡類

記各十卷舉選衡鏡三卷志作鑑三卷

唐文武兩朝獻曆記

志雜史類李德裕獻曆記三卷又會昌伐叛記一卷

書目二卷載其在文宗武宗朝論奏始末

唐平戎記

志雜傳類裴肅五卷休之

唐九鼎記

志許康佐四卷

唐三足記

盧景亮傳善屬文根於忠仁有經國志嘗謂人君足食足兵而又得士天下可為也乃興黃帝以來至唐治道之要著書上下篇號三足記又作答問韋運大畧及陳西戎利害切指當世公卿伏其達古今云

志雜家二卷

唐卓異記

志小說家陳翽卓異記一卷憲穆時人裴紫芝續卓

異記一卷書目卓異記一卷開成中李翽撰唐世

君臣盛事如封禪并兩朝三代為相之類二十七類

崇文總目云陳翽撰乾符中裴紫芝續一卷載唐衣

冠履事樂史廣卓異記二十卷集聖賢神仙之事崇

唐卓異記三卷唐卓異記三卷唐志雜家李文成博物志十

三卷

唐止戈記

志兵書劉秩七卷 崇文目總集止戈書五十卷 誅

唐科目記

唐四時記

志薛登撰四時記二十卷

唐冷聞記

志小說家鄭遂一卷 崇文目同常是 書目二卷 唐

鄭遂類次古今書史異聞凡百五十六條

唐讀書記

書目儒家讀書四三十二卷 王勣撰

唐青宮要記

舊志儒家青宮要記十卷 天后撰

唐國朝傳記

志雜傳記類劉餗國朝傳記三卷 國朝舊事四卷

書目傳記三卷 凡一百九十事

唐中台志

志傳記類李筌中台志十卷 書目十卷 李筌錄補

彌邪正之尤者起商伊陟終隋虞世基以皇王霸

亡五者第之而為鑒戒唐相以李林甫陳希烈附皇

道筌上元中乃自表天寶初迫以綴名云景德中曾

致堯以全叙事簡略褒貶未當乃為廣中台志八十卷自黃帝得六相而下至于唐末類事為二十四門致堯若為臣要紀十五篇

唐辨疑志

志小說家陸長源辨疑志三卷書目三卷辨世俗

派傳之謬

唐通志

舊唐書歸崇敬傳授司業兼集賢學士與諸儒官同修通志崇敬知禮儀志與禰允當

唐典章人物志法象志

唐志

唐書李淳風所撰典章文物志等書行於世淳風撰儀得失之差著書七卷名為法象志

唐禮志

志禮類丁公著禮志十卷

唐孝行志

志雜傳記類趙琬孝行志二十卷柳宗元孝行

曰在帝有虞以孝烈孫仲尼述經以教于晉維晉侯見命夷官亦有考叔寤并稱純

唐經略志

唐年經略志十卷張涉撰始征伐

淳化續翰林志

淳化二年十月辛巳翰林承旨蘇易簡奏續翰林志
 翰林志二卷詔藏史館仍賜詩二章又飛白玉堂
 字以賜周志職官類考肇翰林志一卷傷鉅學士
 院舊規二卷雜史類韓偓金鑿密記五卷書目次
 續翰林志一卷蘇耆撰坡易簡所不及載者十九事
 附當時名人詩翰林雜記一卷學士李宗諤集翰苑
 規制恩例著為定式祥符中上之天聖四年三月
 十五日錢惟演為金坡遺事三卷太宗御札御詩

銘共九首真宗詩六首標于上篇終以雜記晁迥別
 書三事附焉 周必大王堂雜紀二卷

淳化史氏懋官志

五年四月戊申直史館錢熙至自宋州得趙隣幾所
 撰補會昌已來口曆三十六卷文集三十四卷所著
 鯁子一卷六帝年略一卷史氏懋官志五卷他書又
 五十卷來上詔以錢十萬賜其家

直史館馮起撰御試三勝碑淳化物中允和嶮撰七
 勝題名記以獻遂直集賢院并補注父凝所撰古今
 孝悌集成十卷以獻 宋庠掖垣叢志三卷

至道摠仙記

見後列仙傳

二年四月知黃州樂史獻百三十七卷目錄四卷帝宣示宰臣付史館

景德鹵簿記

三卷景德二年十二月乙巳朔南郊鹵簿使王欽若上

中祥符封禪記

奉祀記

祀汾陰記

祥符元年十二月壬辰龍圖閣待制陳彭年請自天書降至封禪畢編錄藏之祕府詔李宗諤丁謂及彭年纂錄謂等就起居院編錄至三年十月書成凡五

十卷皆先為記事次列儀注御製冊祝樂章步虛詞御禮詔敕德音表狀頌碑銘記贊分門載之廢申丁謂等上之帝為製序祀汾陰禮畢亦詔謂等撰記六年八月丁丑成五十卷七年謂與李維等又作迎奉聖像記二十卷降聖記五十卷奉祀記五十卷天禧元年十一月辛亥維等以獻

祥符先天紀

天源錄

祥符八年十月十五日壬辰知制誥盛度上聖祖黃帝天源錄五卷命王曾晏殊編未備事迹二十八日乙巳樞密使王欽若上纂集聖祖事迹十二卷以先

天紀為名。中興書目三十六卷御製序。九年三月戊午。欽若上續成先天紀三十二卷。詔褒之。天禧元年六月乙未。賜輔臣先天紀人一本。

唐志神仙類。楊上器注太上元皇帝聖紀十卷。

天禧大禮記

天禧元年正月辛丑朔。上玉皇寶冊。壬寅。上聖祖冊。已酉。上太廟六室寶冊。辛亥。合祭天地。天安殿。上尊號冊寶。上寶冊禮畢。亦詔禮儀院撰記。時王欽若李迥繼判院。楊億知院。又成天禧大禮記四十卷。二年正月戊午。以獻。宰相欽若等上。

天禧五嶽廣聞記

三年二月丙辰。宰臣正欽若上會靈志百卷。詔名五嶽廣聞記。賜序冠篇手詔褒之。

封芝翠檢篆玉英辭。桂旗羽蓋雲屋風高。

景祐鹵簿圖記

宋綬十卷

慶曆文武賢臣治蜀編年志

書目一卷。慶曆初。王玉纂章。登為序。始唐武德戊寅。逮慶曆壬午。凡四百二十五年。治蜀賢臣。以年編次。

皇祐大饗明堂記

二年九月親祠明堂制度損益多由上裁酌十月詔宰臣文彥博宋庠參政高若訥史館王洙編修大饗明堂記三年二月五日丙戌彥博等上二十卷目錄一卷彥博言編修起三月戊子降詔迄季秋辛亥禮成廣記而備言之慮簡牘頗多仰煩聖覽因纂成皇祐大饗明堂紀要三卷以聞庚寅內出御製序從所請也今崇文院鑲板以賜近臣

治平十國志

熙寧都水名山記

八年七月四日右諫議大夫沈立進都水記二百卷名山記一百卷

元豐新修大樂記

三年置局修製大樂知禮院楊傑以前後討論大樂奏議所承詔旨編為三卷又以元祐樂議七篇附卷末

建炎中興記

龍圖直學士耿延禧承詔著建炎初繼統事亦一卷李綱編建炎時政記三卷自元年五月一日以後至八月十八日

建炎進退志

李綱建炎進退志總叙四卷

乾道籌邊國志

三年十二月八日參政蔣芾上

淳熙聖德記

十五年五月十三日左司郎中王正己進皇帝聖德

孝感記詔付史館

嘉定聖德記

五年九月二十四日吏侍彭龜年之子欽纂龜年勸講所得聖語及事實本末名聖德記上之詔付史館

嘉定聖德記

五海卷第五十八

溪儀王應麟伯厚甫

藝文

傳

尚書注云傳即注也以傳述為義史記索隱云列傳者叙列人臣事跡令可傳於後世傳名曰傳也也後人

黃帝星傳 內傳

見天文類 書曰黃帝內傳一卷題籤鏗得於石室

劉向校書得之蓋依託云

文選離騷經王逸注禹大傳曰滄絜之水出崦嵫之山

禹大傳

周王傳 穆天子傳

唐志穆天子傳六卷晉書云隋志六卷汲冢書郭璞注起類晉時得汲冢書有穆天子傳體制與今起居正同蓋周時內史所記王命之副也春秋正義周王遊行五卷

文選陶潛讀山海經詩汎覽周王之其書言穆王遊行之事侍中荀勗等校正郭璞為

傳中興書目六卷晉太康二年汲郡民發古冢得

之注序曰謹以一尺書紙寫上請付祕書繕寫藏之

中經副在三閣詔荀勗和嶠等以隸字寫之六卷八

千五百一十四字書經正義引書注拾遺記穆王三

十二年巡行天下有書史十人記其所行之地

孔子六藝傳

史記封禪書孔子論述六藝傳略言封泰山禪梁父

者七十餘王矣其俎豆之禮不亡蓋難言之大史

公論六家曰儒家以六藝為法六藝經傳以千萬數

夏小正傳

春秋正義大戴禮夏小正傳曰繫遊胡

春秋正義大戴禮夏小正傳曰繫遊胡

春秋正義大戴禮夏小正傳曰繫遊胡

春秋正義大戴禮夏小正傳曰繫遊胡

春秋正義大戴禮夏小正傳曰繫遊胡

春秋正義大戴禮夏小正傳曰繫遊胡

春秋正義大戴禮夏小正傳曰繫遊胡

春秋正義大戴禮夏小正傳曰繫遊胡

春秋正義大戴禮夏小正傳曰繫遊胡

春秋正義大戴禮夏小正傳曰繫遊胡

春秋瑞應傳

白虎通三正篇春秋瑞應傳曰敬受瑞應而王改正朔易服色

漢高祖孝文傳

見御製

漢保傅傳

青史氏記

學禮

昭紀始元五年六月詔曰通保傅傳注文穎曰賈誼

作在禮大戴記

大戴禮

卷第三

保傅第四十八殷周

有道之戶秦無道之暴其故可知也太子生舉以禮自為赤子時教固以行矣周成王幼在襁褓之中召

公為太保周公為太傅太公為太師此三公之職也為置三少皆上大夫也曰少保少傅少師故孩提三公三少固明孝仁禮義以導習之逐去邪人不使見惡行於是比選天下端士孝悌閑博有道術者以輔翼之使之與太子居處出入及太子少長則入于小學見賈誼傳學禮曰云云太子既冠成人免於保傅之嚴則有司過之史有虧膳之宰有進善之旌有誹謗之木有敢諫之鼓瞽史誦詩工誦正諫大夫進諫士傳民語習與智長化與心成是殷周所以長有道也三代之禮云云食以禮徹以樂失度則史書之工誦之三

禮記卷之五十五 禮記卷之五十五 禮記卷之五十五

公進而讀之宰夫減其膳是天子不得為非也明堂之位曰道者導天子以道常立於前是周公也充者充天子之志常立於左是太公也彌者拂天子之過常立於右是召公也承者承天子之遺忘常立於後是史佚也注道或謂之疑故成王中立而聽朝則四聖維之是以慮無失計舉無過事及秦不然云云夫存亡之反治亂之機其要在是矣天下之命係於天子天子之善在於早諭教與選左右云云此時務也新書保天子不論先聖王之德云云太師之任也云至太史之任也新書傳春秋之元詩之關雎禮之

傳

冠昏易之乾俗皆慎始敬終云爾素成繁成謹為娶妻嫁女必擇孝悌世世有行義如是則子孫慈孝黨為不善三族輔之故曰素成胎教之道書之玉版藏之金匱置之宗廟以為後世戒青史氏之記曰注青史古者胎教王后腹之七月而就宴室太史持銅而御戶左太宰持升一作斗而御戶右新書云太卜持著龜而御於比及三月王后所求聲音非禮樂則太師編瑟而稱不習所求滋味者非正味則太宰倚升新書云而言曰不敢以待王太子太子生而泣太師吹銅曰聲中其律太宰曰滋味上某新書云太卜然後卜名

新書云太卜然後卜名

上無取於天下無取於墜中無取於名山通谷無拂
於鄉俗是故君子名難知而易避也成王生仁者養
之孝者繼之四聖傍之有知而選太公為師周公為
傳王左右不可不練也故曰繁成注賈子胎古者年
八歲而出就外舍學小藝焉履小節焉一作虎關保
也學束髮而就大學學大藝焉履大節焉大學王公
禮之居則習禮文行則鳴珮玉升車則聞和鸞之聲
是以非僻之心無自入也在衡為鸞在軾為和馬動
而鸞鳴鸞鳴而和應聲曰和和則敬此御之節也上
車以和鸞為節下車以佩玉為度上有雙衡下有雙

傳

璜衡牙蚘珠以納其間瑀瑀以雜之行以采茨翹以
肆夏步還中矩進則揖之退則揚之然後玉鏘鳴也
古之為路車也蓋負以象天二十八僚以象列星軫
方以象地三十輻以象月故仰則觀天文俯則察地
理前視則睹鸞和之聲側聽則觀四時之運此中車
教之道也自青史氏以下太子之國不務大務得民
心佐不務多務得賢臣引鮑叔得賢者安存失賢者
危亡明鏡所以察形往古所以知今凡二章三千五
百五十四字保傳言其常傳職戒其變胎教原其本而所
有則而容白虎通諫諍篇引禮保傅大夫進諫士
經又次之

經又次之 白虎通 諫諍篇引禮保傅大夫進諫士

傳民語王失度則史書之工誦之後漢祭祀志注

蔡邕引保傳五學之文詩正義引大戴保傳篇曰帝入東學以

和之說柳宗元四門壁記保傳篇曰帝入東學以

貴仁南學以貴德西學以貴義北學以尊爵賈生述

之以明太子之教禮記文王世子篇世子之記曰云云注世子之禮亡

此存其記

漢離騷傳

淮南王安傳入朝獻所作內篇新出上愛秘之使為

離騷傳旦受詔日食時上師古曰傳謂解說又獻頌

傳

德及長安都國頌隋志淮南王童朱買臣傳召見

說春秋言楚辭帝甚說之王褒傳宣帝脩武帝故

事講論六執群書召能為楚辭九江被公召見誦讀

志淮南王賦八十二篇群臣賦四十四篇班固

曰孝武詔淮南王安叙離騷傳以為國風好色而不

淫云云斯論似過其實王逸云武帝使淮南王安

作章句其書晁氏楚辭自宋王九辯以下皆謂之

漢六經異傳

史記自序厥協六經異傳索隱云如子夏易傳毛公

傳詳見楚辭類

詩傳韓嬰詩外傳伏生尚書大傳之流也正義云如左丘明春秋外傳樊儵傳永平元年以識記正五經異說國語

漢天下忠臣傳

志陰陽家千長天下忠臣九篇平陰人近世注劉向

別錄云傳天下忠臣唐志武誼自古忠臣傳二十

卷咸通中作南史梁元帝撰忠臣傳三十卷舊唐志

雜傳孝友十家忠節三家

漢列女傳

志劉向所序列女傳頌圖劉向傳向睹俗奢淫而

衛之屬起微賤踰禮制向以為王教由內及外自

傳

近者始采詩書所載賢妃貞婦興國顯家可法則及孽嬖亂亡者次為列女傳凡八篇以戒天子隋志

列女傳十五卷唐志劉向撰曹大家注又七卷趙母

注唐志云趙母傳七卷又八卷高氏撰頌一卷劉歆又一卷曹

植讚一卷繆襲以頌為劉歆作與向列傳不合志有頌圖非歆也曾鞏曰

錄序隋書崇文總目皆稱十五篇曹大家注以頌義

考之蓋大家所注離為十四與頌義凡十五篇益陳

嬰母及東漢以來梁鴻妻十六事非向書本然也嘉祐

中集賢校理蘇頌以頌義篇次復定其書為八篇家

人之義歸於反身二南之業本於文王向博極群書

嘉祐中集賢校理蘇頌以頌義篇次復定其書為八篇家

而此傳稱詩采首柏舟大車之類與今序詩者異式
微一篇又謂二人之作 馬融傳注列女傳 班昭

傳女誠七篇唐志引女憲 晉王接傳撰烈女後傳

七十二人長子愆期緣父本意又集後傳 南史庾

仲容列女傳三卷 隋志項原列女後傳十卷唐志

皇甫謐傳六卷蔡母邃傳七卷杜預要錄三卷女記十卷唐志

唐志女訓十七家二十四部三百八十三卷始於

劉向終於鳳樓新誠二十卷失姓名一家有劉熙傳

八卷孫夫人序讚一卷虞通之后妃記四卷長孫皇

后女則要錄十卷魏徵列女傳畧七卷武后列女傳

傳

一百卷唐舊志雜傳王方慶女記至楊氏女誠不著
錄五家八十三卷尚宮氏去論語十篇章荀爽
女誠程曉女典見藝文類聚 曹植列女頌文選注
引之

漢列仙列女傳

隋志漢時阮倉作列仙圖劉向與校經籍始作列仙
列女列女之傳雜傳類列女傳十五卷列女傳二卷
唐志列仙傳讚二卷舊唐志又二卷孫綽郭元祖讚
葛洪神仙傳十卷唐志王方慶後傳十卷沈汾續神
仙傳三卷 史記正義七略云列仙傳二卷劉向撰

唐志神仙類卷同崇書目列仙傳三卷劉向撰

凡六十三人杜光庭仙傳拾遺四十卷凡四百二十

九事沈汾續仙傳三卷凡飛昇十六人隱化二十人

樂史摠仙祕錄一百三十卷自天皇氏以來類聚登

仙名氏各紀事實為五十四門上之藏增為上王松年

仙苑編珠一卷自唐以來一百二十八人見素子洞

仙傳十卷凡二百九十二人南史梁顏協撰晉仙

傳五篇江祿撰列仙傳十卷後漢注水經注文

漢武帝傳又引列仙傳

志神仙三十五家漢武帝傳二卷郭憲漢武帝別

傳洞冥記四卷子隋志漢武內傳三卷姪好輝

書曰漢武帝內傳二卷載西王母事後有淮南王

公孫卿穆丘君八事乃唐終南玄都道士游岩所附

洞冥記四卷後漢光祿大夫郭憲載武帝神怪事

漢中興名臣列士傳建武以來名臣傳

皇德傳

列傳班固作世祖本紀又撰功臣平林新市公孫述

等列傳載記二十八篇臨邑侯復好學永平中與

班固賈逵共述漢史復子騶駘及從兄平海侯毅並

有才學永寧中鄧太后召毅及駒駘入東觀與謁者

侯射劉珍著中興以下名臣列士傳棟觀卷一百二

記至靈帝題集二卷水珍駘劉珍卷劉珍孫九南陽

人少好學永寧元年詔珍與駒駘作建武以來名臣

傳侯瑾按漢記撰中興以後行事為皇德傳三十

篇致統二卷唐志唐志正史類皇德紀三十卷隋志

志注中帝德傳宋太祖時沮渠茂度獻漢皇

德傳二十五卷

寇鄧高勳耿賈鴻烈經術如桓榮丁鴻范升賈逵

文如任延杜詩文章如班彪父子刑法如郭躬

如班超諫諍如鍾離意申屠剛寬厚如侯霸

漢陳留耆舊傳

見地理

唐許南容策京兆耆舊光武創其篇陳紹神仙阮

述其事梁鴻作逸人之記劉向脩孝子之圖

孔子弟子先儒傳

隋志十卷唐志孔子弟子傳五卷姚澹四科傳讚

四卷宋元嘉十四年河西獻四科傳四卷書目皇

朝李政為孔子弟子贊傳六十卷十萬餘言國史志李畧

魏海內先賢傳

三海卷五十八

隋志四卷魏明帝時撰唐志魏明帝五卷李氏海內先賢行狀三卷

舊唐志雜傳先賢者舊三十九家

晉高士傳

皇甫謐傳字士安以著述為務自號玄晏先生撰高士逸士烈女等傳並重世高士傳曰梁鴻頌逸民蘇順叙高士或錄屈節雜而不紀又近秦漢不及遠古謐采古今八代之士自堯至魏凡九十餘人雜執節若夷齊去就若兩龔皆不錄也

高士傳六卷逸士傳一卷魏志張繡逸民傳七卷

魏康聖賢高士傳唐志傳八卷周續

孫綽

人高士傳資二卷周弘讓續高士傳七卷

唐志

雜儒英人傳七卷

書目皇甫謐高士傳十卷起堯

世至魏咸熙中

魏志注秘康撰錄上古以來聖賢

隱逸遁心遺名著集為傳宋周續之傳以秘康高士

一十有九人

魏志注

宋周續之傳以秘康高士

得得出處之美因為之注

南齊書宗測續皇甫謐

高士傳三卷

後漢注引劉昭幼童傳唐志十卷

晉正始名士傳 竹林名士傳

家宏傳宏字彥伯著竹林名士傳三卷

世說家宏以夏侯太初等三人為正始名士阮嗣

宗等七人為竹林名士裴叔等八人為中朝名士

正始名士傳三卷家宏撰竹林七賢論二

卷劉孝慶撰竹林七賢論二

正始名士傳二卷家宏撰竹林名士三逸上卷

增前案下卷增阮脩文選

晉江表傳

江表傳字允源注春秋三傳

傳字允源注春秋三傳

晉益部耆舊傳

益部耆舊傳

益部耆舊傳

益部耆舊傳

益部耆舊傳

益部耆舊傳

益部耆舊傳

晉名臣傳

宋百官志晉制著作佐郎始國職必撰名臣傳一人

孝子傳

唐志蕭廣濟三韶之皆十五卷又讀三卷師覺授中
秀婚皆一卷宗躬二十卷虞盤一卷徐廣三卷梁武
帝三十卷鄭緝之讀十卷

梁高隱傳

梁書高隱傳上自炎黃然于天監末斟酌
分為三品言行始絕名氏弗傳為上篇始終不耗姓
名可錄為中篇挂冠人世栖心塵表為下篇

計七人

後益劉敬劉訐二傳及孝緒
黎錄火蕭未成訖筆之意

隋志阮孝緒

高隱傳十卷

唐志

袁淑真隱傳二卷

集無名

梁孝德忠臣傳 全德志

南史梁元帝撰孝德傳忠臣傳並三十卷

初學記載
天性讀及

報誌詩元帝為湘東王時常記錄忠臣義士及文章

之美者筆有三品忠孝全者用金管書之德行精粹

若用銀管書之文章賸逸者以斑竹管書之

隋志

雜傳類詞補又全德志一卷懷舊傳二卷梁元帝

撰顯志錄二十卷丹陽尹傳十卷

唐志李襲譽志

孝圖傳讀二十卷見後

唐文館詞林文人傳

志雜傳記許敬宗一百卷文館詞林一千卷

唐古文紀年新傳

志張昌宗三十卷文藝傳昌宗以文名撰古文紀

年新傳數十篇撰文苑傳張昌宗至撰古文紀

唐續文士傳

志齊張隲文士傳五十卷注裴肱續文士傳十

卷開元中懷州司馬書目文士傳五卷載六國以

來文人起楚羊原終魏阮瑀崇文日十卷終宋謝靈運

已疑其不全今又缺其半舊志文林傳五十卷張

唐撰

唐養德傳

太子重俊傳右庶子平貞春獻孝經義養德等傳

志卷七

唐孝德後傳

郎餘今傳孝敬在東宮餘今以梁元帝有孝德傳更

撰後傳數十篇太子嗟重志郎餘今孝子後

傳三十卷又有趙琬孝行志二十卷李福筠為常州

國孝友傳示諸生見圖類舊史餘今續梁元帝孝

德傳撰孝子後傳三十卷以獻

齊國有天子諸侯卿大夫士庶人孝傳贊始均

唐宰相傳一凌煙功臣傳

宗實錄張薦在史館二十年著宰相傳略五服圖

志雜史蔣乂唐宰相錄七十卷又凌煙功臣奏

府十八學士史臣等傳四十卷雜傳記李邕狄仁傑

傳二卷郭湜高氏外傳一卷李翰張巡姚闡傳二卷

陳劄郭公家傳八卷子儀嚴亮顏氏家

傳一卷果卿馬守段公別傳二卷秀實李繁相國

侯家傳十卷

隋志王氏江左世家傳三十卷王褒撰

唐五常傳

會要大和九年五月宰相集賢大學士李宗閔准宣

與校理修撰等撰五常傳二十卷目錄一卷上之賜

宗閔等九人錦絲銀器

唐異域歸忠傳

志李德裕奉敕撰二卷序云會昌二年四月甲申內附會要會昌

二年七月上卷同回紇傳武宗時回紇國亂烏介

立為可汗土子嗚沒斯率三部及大酋二千騎詣振

武降武宗詔宰相李德裕采秦漢以來至唐興殊俗

嘉靖丙辰年

忠效卓異者凡三十人為異域歸忠傳寵賜之德裕集有宣示

盟沒斯等冠帶訖圖狀中興書目以名節自著者凡三十人

始秦由余至尚可孤 崇文目傳記類二卷

唐點憂斯朝貢圖傳

志呂述一卷會昌中秘書少監商州刺史李德裕

集有點憂斯朝貢圖傳序乃詔韋宗卿呂述往賓館以展私親和合同異覩縷闕遺

唐高識傳

志雜傳記傳奔十卷集魏晉以來與佛異者傳奔傳云高識篇

法琳辯正論八卷破邪論二卷太史令傳奕請廢佛

傳

法琳諍之

唐閩川名士傳

志黃璞一卷字紹山大順中進士第書目三卷崇文目一卷唐崇

文館校書郎黃璞所著也著錄凡五十有四起神龍

汜大順歷歲二百上春官第者才四十有三 晁氏

志三卷劾楚國先賢傳為之

唐志地理類林謂閩中記十卷長樂人韓文公曰

閩人舉進士繇歐陽詹始史因之今攷是書其前乃

有薛令之林藻以登科記驗之信然

唐列女傳

舊史雜傳列女傳一百卷天后撰古今內範記一百卷內範要略十卷

唐春秋列國名臣傳 春秋列國諸臣傳

志孫敏九卷 書目春秋列國諸臣傳五十一卷餘

萬皇朝王當撰類左氏所載列國諸臣事效司馬遷

為之傳凡一百三十四人系以贊又釋春秋

本朝名臣傳

張唐英五卷唐英初改著佐授宋齊間故事凡領著

作者皆撰名臣傳一本以試史才因纂錄天聖至嘉

祐名臣世家譜牒次第撰為五列傳 書目兩朝

傳

名臣傳三十卷真宗時 咸平諸臣傳

卷起雷有終迄路振凡 熙寧諸臣傳四卷起胡

廉吏傳

書目十卷知黎州費樞撰載自古以來廉吏起魯季

孫行父終唐盧鈞 沈立著賢救傳

唐志有良吏傳十卷鍾岷撰

百將傳

書目十卷皇朝張預撰取古名將臣編類之起周太

公至五代劉詞凡百人每傳各以孫子兵法斷其行

事

元祐建中列傳譜述

元祐黨籍建中上言邪等名在兩籍者三百九人相
州布衣龔端頤源之訪求闕遺成列傳譜述一百卷
書於編者三百五人不可得而詳者四人而已淳熙
十四年三月十八日脩國史洪邁請甄錄從之授端
頤上州文學

淳熙忠義傳

六年冬十月國子監噲喻良能進忠義傳起於戰國
至燭終於五代孫成上下一千一百年所取者一百
九十人凡二十五卷乞頒之武學授之將帥上曰忠

臣義士

顧一身可以表厲風俗

開禧四將傳

三年正月十四日章穎上劄劄李魏計七冊詔付史
館

淳化四年樂史獻廣孝傳五十卷摠仙傳一百四十
一卷又撰諸仙傳二十五卷神仙宮殿密宅記十卷
國史志孫冲遺士傳一卷

錄

錄記也總也周禮奠其錄注謂定其錄籍

周公職錄一見地理類

禹貢釋文周公職錄云黃帝受命風后受圖割地布九州

越計然萬物錄

漢貨殖傳粵王句踐用范蠡計然計然曰知鬪則修備時用則知物二者形則萬貨之情可得見矣故旱則資舟水則資車物之理也脩之十年國富范蠡曰計之策十用其五而得意注孟康曰姓計名然越臣

也師古曰古今人表計然在第四等一號計研故賓

戲云研桑心計於無垠計然者濮上人也博學無所

不通尤善計筭嘗南游越范蠡卑身事之其書則有

萬物錄著五方所出皆述之事見皇覽及晉中經簿

又吳越春秋越絕書並作計倪實一人耳唐志農

家范子計然十五卷范蠡問計然答文選注引范

子曰文子姓辛葵丘濮上人稱曰計然馬總意林云

博紀成術於辛文云王元長策文注李善引范子計

然曰五穀者萬民之命國之重寶也風賦注引范

子計然曰秦衡出於隴西天水班固傳注引范子

計然 太平御覽引范子計然曰地有五土之宜各
有上下 初學記引日居晝而為明

越紐錄

三充論衛 吳君高之越紐錄周長生之洞歷劉子政
揚子雲不能過也

漢兵錄

見兵法

漢三輔决錄

趙岐傳 京兆長陵人著孟子章句三輔决錄傳於時
决錄序曰三輔本雍州地世之徒公卿吏二千石

及高貴者以陪諸陵五方雜會非一國之風非但舉
於詩秦函也其為士好高尚義貴於名行其俗失則

逐勢進權惟利是視余生於西土嘗以玄冬夢黃髮

之士姓玄名明字子真與余寤言言必有中善惡之

間無所依違命操筆者書之近從建武以來暨于斯

今其人既亡行乃可書玉石朱紫由此定矣

虞傳 注 解 三 輔 决 錄 後 漢 書 周 勃 傳 注 魏

百十七部一千二百八十六卷始於决錄七卷趙友

撰 摯 虞 注 唐 志 雜 傳 十 卷

晉 摯 虞 傳 撰 會 稽 典 錄 二 篇 唐 志 卷 二

晉摯虞傳撰會稽典錄二篇唐志卷二

魏海內士品錄

唐志傳記類魏文帝三卷唐志二卷

晉百官儀服錄

隋志職官類五卷

晉拾遺錄

王嘉傳字子年著拾遺錄十卷記事多詭怪唐志

三卷又拾遺記十卷蕭綺錄嘉所撰凡十卷

集賢注記天寶六載十二月敕索孝經鈎命决王

子年拾遺任子道論等四十餘部以進

晉錄

唐志編年五卷

後魏辭宗錄

唐志譜牒類辨宗錄二卷元暉業撰唐志傳記

元暉等祕錄二百七十卷隋志雜家科錄七十

元暉撰史通元魏濟陰王暉業著科錄二百七

十卷起自上古終於宋年依放通史

江左文章錄

丘靈鞠著江左文章錄序起太興訖元熙

唐諸王善惡錄

魏徵自古諸侯王善惡錄二卷貞觀七年

太宗命徵錄自古帝王子弟成敗事名為諸王善惡錄以賜諸王太宗覽而稱善謂諸王曰此且置予坐右用為立身之本貞觀政要載其序曰軒轅分二十五子舜舉十六族爰歷周漢以逮陳隋功成名立咸資始封之君國喪身亡多因繼體之后

唐祥瑞錄

志雜傳記魏徵十卷書目采經典子史傳記小說所言祥應事類

唐諫錄

見奏疏類

唐女則要錄

舊志儒家十卷文德皇后撰

唐春宮要錄

志儒家類章懷太子春宮要錄十卷故事類杜正倫春坊要錄四卷

唐紫樞要錄

志儒家武后十卷

唐封禪錄

志儀注類孟利貞封禪錄十卷裴中真神岳封禪儀注十卷

唐千秋金鑑錄

志儒家張九齡千秋金鑑錄五卷。張九齡傳初千

秋節王公並獻寶鑑九齡上事鑒十章號千秋金鑑

錄以伸諷諭。舊史開元十八年八月丁亥上御花

萼樓以千秋節百官賀賜四品以上金鏡珠囊綠絲

五品以下衣帛有差上賦八韻詩又製秋景詩張九

齡為中書令時天長節百寮上壽多獻珍異九齡進

金鏡錄五卷言則古興廢之道上賞異之崔日用於

玄宗誕日奉詩大小雅二十篇獻之。會要開元十

七年八月五日奉詩五首。舊史開元十八年八月

五日為千秋節群臣獻壽酒王公戚里進金鏡綬帶
士庶以結絲承露囊更相問遣村社作壽酒宴樂名
賽白帝報田神制曰可。通監開元二十四年秋八

月壬子張九齡上千秋金鏡錄五卷上賜書褒美
玄宗御製賜鏡詩鑄得千秋鏡光生百鍊金又千秋
節宴詩月銜花綬鏡露綴絲絲囊。九齡進金鏡錄

表伏見千秋節日王公已下悉以金寶鏡進獻臣謂
明鏡所以鑑形有妍蚩則見之於外往事所以鑑心
有善惡則省之於內故鏡銘云以鏡自照見形容以

人自照見吉凶。云云謹於生辰節上事鑑十章分為

五卷

宋朝孝宗時陳良祐因會慶節撰唐太宗事百二十條議其當否目曰會慶萬年金錄錄上之

唐明皇政錄 明皇雜錄

志雜史李康明皇政錄十卷鄭處誨明皇雜錄二卷

又儒家馮中庸政錄十卷開元十九年上書目明

皇雜錄二卷大中九年校書郎鄭處誨雜記玄宗承

平之事雖微必錄已見於太史者不言

唐天寶軍防錄

鄭虔傳長於地理山川險易方隅物產兵戍衆寡無

錄

不詳嘗為天寶軍防錄言典事該諸儒服其善著書

志卷二 崇文目地理類一卷

唐帝王紀錄

志雜史褚無量帝王紀錄三卷盧元福帝王編年錄五十一卷

唐興元聖功錄 紀功述 功臣錄見上

奉天錄

志雜史表皓興元聖功錄三卷 李晟傳德宗狩蜀

倉部員外郎表皓采李晟功烈為興元聖功錄徧賜

諸將戒厲之 李紆德宗時為兵部侍郎奉詔為興

諸將戒厲之

元紀功述

志崔光庭幸奉天錄二卷又趙元張讀建中西符錄十卷

唐貞元郊祀錄

禮樂志太常禮院修撰王涇考次歷代郊廟沿革之

制及工歌祝號而圖其壇屋陟降之序為郊祀錄十

卷志儀注類王涇大唐郊祀錄十卷貞元九年上

時為太常禮院脩撰

唐宰輔錄 鳳池錄 衣冠盛事錄

志雜史蔣乂大唐宰輔錄七十卷又張薦宰輔傳略

卷七職官類馬字鳳池錄五十卷雜傳記類蘇特唐

錄

代衣冠盛事錄一卷會興元和十三年十二月

書少監史館修撰馬字撰鳳池錄五十卷上之

目鳳池錄五卷崇文正元二年馬字撰起高祖武德

元年訖正元二年紀錄宰臣拜免及一時事迹

唐遣使錄

志雜傳記陸贄一卷

唐禦戎新錄

見兵書李勣傳元和初召為左拾遺家東都朝正

故有得失附章疏陳論又撰禦戎新錄二十卷

之舊史

唐西南備邊錄

志兵書類李德裕十三卷

中興書目劔南西川節

度使德裕撰大畧謂成都藩籟西南備禦不可少弛

於是纂兵將糧械之數城鎮種落之名歲計經用之

目而以大和六年為斷及諸郡故實外夷情狀煩碎

畢書又新作城鎮緣邊賊路皆以朱書別之總成小

標之首卷今所存僅一卷餘皆缺第四卷缺維州

詳見籌邊檄

唐華陽風俗錄

地理類張同封一卷字子望西川節度使李德裕

安事時狀

唐元和錄

書目三卷馬永易撰元元和三年迄大中十三卷

述總號元和錄蓋因所紀初年云

唐皇室維城錄

志譜牒類一卷

唐經史要錄

見經解舊史鄭澣為侍講學士文宗命撰經史要

錄二十卷書成上書十六精博因以十九書語類上親

自發問澣應對無滯以金紫志是光又十九

語類十卷開元二十二年十一月止見類書

唐科第錄

見科舉

唐諭善錄

志雜家唐敬休七卷

唐四夷朝貢錄

見朝貢類 唐皇王寶運錄

唐皇王寶運錄

志雜史類楊岑卷二唐皇王寶運錄時人功臣錄三十卷章昭

庶揚涉續皇王寶運錄唐皇王寶運錄卷一唐皇王寶運錄續自武帝至

唐開成承詔錄

志雜史李石二卷記大和中君臣問答之語

唐年小錄

志故事馬摠八卷

唐柳氏家學要錄

志小說類二卷柳程書月柳氏家學一卷凡三十

四章晁氏志一卷采其祖彥昭祖芳父晁家集所

記累朝典章因革時政得失著此錄又常侍言旨一

卷記世父登所著六章

唐神州等第錄

據言神州解送自開元天寶之際率以在上十人謂之等第必求名實相副以滋教化之源小宗伯倚而選之或至渾化不然十得其七八天府之盛神州之雄選才以百數為名等列以十人為首起自開元天寶之世大曆建中之年得之者搏躍雲衢階梯蘭省今所傳者始下元和景成歲次叙名氏目曰神州等第錄王定保撰八十三門記唐朝進士應舉登科雜事

唐餘錄

貞元二年十一月戊子朔刑部直集賢院王皞上六

卷詔獎之

建隆垂統錄

關者孫進

太平興國錄

八年九月癸丑朔秘書監錢昱獻太平興國錄一卷求換臺省官令學士院召試制詔三篇改秘書監判尚書都省

雍熙唐孝悌錄

三年正月著作佐郎樂史獻唐孝悌錄十五卷史本

續五卷續卓異記三卷兩朝志樂史孝悌贊

卷

嘉祐元年

長年

卷

卷

卷

卷

卷

五卷 咸平六年九月甲午直史館樂史獻所習廣
孝新書孝悌錄上清文苑摠仙記凡八百卷 唐志
有王方慶友悌錄十五卷

雍熙大政要錄

雍熙三年九月戊辰戶部郎中知陝州張去華獻大
政要錄三十篇上覽而嘉之筆書褒美賜帛五十段
因留不遣 去華獻元元論大指以養民務穡為急真

宗嘉賞寫為十八軸

天聖七年七月己卯泰州泰

興簿胡訥上所著孝行錄二卷賢惠錄二卷民表錄
三卷 國史志

錄

淳化皇猷錄

淳化元年十月庚午金州觀察使判和州錢儼獻皇
猷錄一卷優詔荅之咸平初又獻光聖錄

淳化正辭錄

紹興正辭錄

又見群祀

景祐崇祀錄

淳化二年七月戊申祕書監李至以新撰正辭錄三
卷上 崇文日同先是祠祀祝詞命著作局官屬臨事撰進
多不合典禮向來所用之文辭義淺近因依古式至
是乃撰成數百首上進永為定式焉 一本云凡百
九十三首內八十四首新製餘皆依舊詞取左氏祝

史正辭之義也真宗景德元年十二月癸卯命知制誥李宗諤及楊億陳彭年詳定祥符二年四月庚寅命兩制禮官取秘書省學士院祝版據正辭錄重定紹興二十七年九月二十五日丁亥詔禮官及祕省依景德故事取祭祀之式考訂潤色為紹興正辭錄依校書郎葉謙亨請也

景祐三年七月巳卯詔以太子少傅孫奭所撰大宋崇祀錄二十卷送史館初奭領太常以國朝典禮倣唐王涇郊祀錄為此書未奏而卒子殿中丞瑜表上之崇文目二十卷儀註類

咸平聖政錄

六年八月戊寅太僕少卿直祕閣錢惟演上二卷詔付史館實錄咸平三年五月丙申以錢惟演為太僕少卿惟演獻咸平聖政錄二十事召試有是命

景德戴斗懷柔錄

景德初元年盟好之議翰林學士趙安仁多所參預撰答書又記太祖朝書問規式及接伴乃裁定覲見儀制安仁又錄和好以來事宜及采古事可附于今為豫備者作戴斗懷柔錄以獻本傳同志王晦叔戴斗奉使錄二卷

祥符法寶錄

祥符二年正月庚辰學士楊億等上景德傳燈錄三十卷本僧道元所獻詔億等判定六年八月丁亥御

製法寶錄序兵部侍郎趙安仁等纂集新經并所降

制誥賜名太中祥符法寶錄凡二十三卷八年十月甲辰上之會要二十一卷

景祐元年四月十五日參政王隨刪傳燈錄為五十卷二年十月辛未知樞密

院王隨上傳燈玉英集摹印放行三年十月辛酉李遵勉上所纂天聖廣燈錄三十卷下傳法院四年四月乙巳譯經使呂夷簡上所定景祐法寶新錄二十

一卷先是三年十二月夷簡及潤文宋綬請御製序

賜名是錄自祥符四年後至景祐三年元豐元年十月三日參政元絳參定傳法院新編法寶錄

梁書簡文撰法寶聯璧三百卷唐志釋氏類貞觀

內典錄十卷書目唐內典錄十卷麟德初詔明寺

僧智昇撰載歷代佛書傳譯篇目本末傳燈錄三十卷僧道原纂景德中詔翰林學士楊億等判定自天

竺七佛至達磨西來傳至法眼凡五十二世一千七百

百人語錄續燈錄三十卷惟白撰分五門法苑珠林

一百卷唐僧道世撰是迴法藏碎金錄十卷

祥符殊祥錄

天源

錢易傳東封泰山獻殊祥錄

王質監舒州靈仙觀採古今鍊形攝生之術

總錄百卷

天禧雲南錄

中興書目三卷天禧元年監廣州商稅辛怡顯撰淳

化五年以西蜀順賊與南結一結詔募命官士庶通

邊事者往黎雋界招撫時怡顯自薦請行至道元年

訖事而歸是書備載始末云

略振祥符初使契丹撰乘輶錄以獻

本朝名臣錄

書目本朝名臣錄八卷不知作者編類建隆至乾興

三朝諸臣列傳叛臣變夷附焉以實錄國史校之間

有不同本朝勳德傳一卷不知作者編類太祖至仁

宗諸臣有勳德者起范質終孫沔凡五十六人名賢

遺範錄十四卷王旦遺事錄四卷子素撰王曾言行錄三

卷葉清臣撰韓琦別錄三卷王巖叟撰張詠語錄四卷

李昉撰後人類為一集又王曾言行錄一卷凡六寸

七事王暉撰

皇朝政錄

十卷晏殊序曰皇帝在宗廟三朝之方冊思為要務
以便討論於是仰稽信謀博采宏綱授英存實罔不
森羅彼無逸圖屏典論刊石方茲鉅美慶曆四年講
禮宗聖政錄恐即此書當名非可同年

宋朝會計錄

國史志地理類林特三十卷丁謂景德六卷曰況皇
祐六卷蔡襄治平六卷丁謂傳權三司使上會計
錄以景德四年民賦戶口之籍較咸平六年之數具
上史館請自今以咸平籍為額歲較其數以聞詔獎
林特傳奉詔撰會計錄用況傳況鈞考財賦

盡知其出入乃約景德會計錄以今財賦所入多之
景德而歲之所出又多於所入因著皇祐會計錄上
之異以悟上更立經制使百姓實而縣官有餘用也
晁氏志丁謂景德中纂三司戶口稅賦之入及兵
食吏祿之費會計天下每歲出納贏虧之數李吉甫
元和國計圖之類也

慶曆兵錄

五年樞密副使丁度搜次首末鈎考議徵撥其攻守
戰者為禁兵民兵兵錄五篇宋祁為序曰宋興經武制
衆凡軍有四一曰禁兵殿前馬步三司隸焉卒之號

而粟者充之或挽強或蹋張或戈船突騎或受石擊
朝故處則衛鎮出則更戍二曰痛兵諸州隸焉卒之
力而悍者募之天下已定不其持兵惟邊寧夷者時
時與禁兵參也故亭於服勞開亦戍更三曰役兵群
有司隸焉人之游而墮者入之若投置若漕輓若營
軍若工技業壹事專故處而無更四曰民兵農之健
而材者籍之視鄉縣大小而為之數有部曲無營壁
闕者輒補歲以閱焉此國家制軍之略也今參預丁
公進使樞省五詳四朝為兵錄合群書所不摛諸
條所隱彙而聯之部分班加也離而件之區處戰

也雖五符猥并邊瑣曲折歲列慶置月比耗登
指要坐帷而判蓋簡稽之決一安蒐乘之摠凡錄成
上於官軍並仰之首公各述其所由近衛別錄示有
也餘軍弗載略所緩也文約事明成一王法兵錄凡
五卷 傳云又慶曆贈邊錄卷編年總錄八卷

自慶曆軍錄一卷不知作者取三朝史兵志及國
自天聖成書之後建立壁壘次序編為此書

皇祐登瀛秘錄

皇祐中宋并據柱佑通典條目摘其要務編類首
以選舉次禮樂制度兵農大略遺逸者補之為卷

崇黃目撰學海搜奇錄四十卷

皇祐朱邱恩年錄

見宗戚類

至和太平盤維錄又見宗戚類

右武大將軍睦州團練使宗諤進太平盤維錄纂

代宗屬事蹟勒成上下二帙總六卷亦十二門

熙寧蕃夷朝貢錄詳見內附類

七年九月丁未史官修撰宋敏求等上總二十一卷

即四年十月六日評所請也

熙寧聖朝徽名錄

書目十卷熙寧中李德芻類載太祖迄神宗六朝群

臣表上尊號儀制詔冊始

宋庠尊號錄一卷自漢至仁宗有序評贊

元豐華戎魯衛信錄

六年九月二十四日丙寅吏部侍郎蘇頌上二百二

十九卷事目五卷總二百冊元豐四年八月奉詔編類例皆

定地界文案比類編次為書非卿不可成頌奉詔置

蜀樞庭仍辟王汝翼李士京檢閱文字至是上之上

嘉歎親筆賜名詔別錄一本送密院序云六年六月五日宸筆賜名

嘉歎親筆賜名詔別錄一本送密院序云六年六月五日宸筆賜名

以敘事冠篇首 總序二百卷卷有冗併則釐為上

中下 敘事書詔誓書歲幣國信國書奉使驛程地圖

名銜年表儀式賜予交馳詔錄書儀例物市易條例

泛使文移河東地界邊防契丹世系國俗官屬關口

道路蕃軍馬州縣終於蕃夷雜錄而經制方略論議

奏疏附焉 紹聖五年續編兩朝魯衛信錄置局密

院

元豐土貢錄

中興書目二卷 元豐中翰林學士李清臣等撰

是清臣詳定朝會儀注所承詔稽案圖志推原物產

錄

凡輕重多寡條列上之二卷

元祐稽古錄

司馬光撰二十卷自三晉開國迄顯德末為歷年圖

治平元年三月宋興至治平四年為百官表大事記

威烈丁丑而上伏戲書契以來 為稽古錄始伏義

四年周共和庚申始為編年 元祐元年三月十四日光上言人

主不可不觀史善者可為法不善者可以為戒載籍

浩博宜提其綱目撮其精英欲以稽古錄送正字范

祖禹校對繕寫俟讀寶訓畢取此書進讀令侍讀隨

文解釋以資稽古之萬一後之光又為通歷八十卷

光又為通歷八十卷

慶元初龔頤正上續稽古錄一卷起熙寧元年至紹熙五年未幾有毀板之旨

宣和重修博古圖錄 又見圖類

三十卷 鼎 尊 罍 彝 彝 舟 卣 瓶 壺

爵 斝 觚 斗 卮 觶 角 杯 敦 簠 簋

豆 鋪 鬲 錠 鬲 盃 盥 鏹 斗

甒 罍 冰 鑑 冰 斗 匜 匜 盤 洗 盆 銷

杆 鐘 磬 鐸 鐸 鉦 鏡 戚 弩 機 鍬

奩 錢 硯 滴 托 轆 承 轆 漢 輿 輅 飾 周 雙

螭 表 座 漢 表 座 旂 鈴 刀 筆 杖 頭 唐 蹲 龍 漢

錄

建炎三君行事紀要錄 漢龍提梁 鑑 鐵 錐

建炎三君行事紀要錄

元年六月癸亥李綱奏自古創業中興之主如漢高
光唐太宗皆有英明之資寬誠之德仁厚而有容果
斷而不惑故能戡定禍難身致太平因請以所編三
君行事紀要錄以進上可之

紹興七朝詔誥錄

四年五月二十七日丙子詔館閣官以累朝制誥類
編為七朝詔誥錄後祕書少監劉大中之請也

紹興修宰輔錄又見宰相類

浩平四年九月己丑詔實錄院檢討陳繹具上祖宗

朝兩府拜罷之因後撰拜罷錄以進紹興九年三

月六日丙戌詔宰輔拜罷錄詳畧失中本末差舛令

史館重修史館言凡抵牾者宜悉改正從之書未成

二十一年九月庚子祕書少監林機建言又命國史

日曆所重修然亦不克成

紹興集賢堂宰輔錄自燧人四佐至八儒一墨凡二

卷

紹興編忠義錄

十三年六月十四日詔文... 先是閏四月己酉吏部郎... 耳目靡聞存沒編為一書... 書不克成

乾道同符正觀錄

三年三月起居舍人洪邁給事中王曠等上序云

臣等三月七日蒙宣召至選德殿講論古今帝王之

道且曰唐三百年惟太宗為可尚齊心敬慕無事取

法宜為朕采正觀時事以今日觀之據其所近似未

所未至臣等曰太宗之治固為可慕然要者無出諫

行言聽神宗序通監謂太宗所謂禹吾無間然者謹

采正觀事迹列為二十門事為之說件別以上實錄三年三月癸亥環道同進呈同符正觀錄讀至聖孝篇馬周諫往九成宮事上曰是失思慮讀畢上曰朕有跡謬卿幸當詳說容熟觀

淳熙四繫錄

三年權禮侍郎李燾進四繫錄記女真契丹起滅自紹聖迄宣和靖康凡二十卷上曰朕可一日忘此虜哉五月

皇朝名臣言行錄

三朝起趙普蘇洵凡五十五人三朝起韓琦至陳

師道凡四十人朱熹撰

嘉定聖宋遵堯錄

八卷羅從彥撰采祖宗故實可垂法後世者纂錄辨釋嘉定七年南劍守臣劉允濟上之

南北攻守錄

五十八卷李壁

玉海卷第五十八



